


1070. Oct

Museum abt. Bibliothek
in Königsberg


Selbstk. 27.

D 10

2



3





1

4

[Faint, illegible text or markings]

[Faint, illegible text or markings]







6


Feurzeug
Christlicher
andacht.

1536



Die Kunst
der Buchdruckerei
in Deutschland

1230



Ob. 6. II. 4489

Vorrede.

Ett der allmechtig gepot durch Mo-
sen/ Leuitici am. 6. das auff seinem Alt-
tar das feuer ewig solte brennen/ vnd nymer
verleschen/ das ist ein figur gewest zu bedeu-
ten/ das vnser hertz in stetter andacht gegen
Got entzündt sollen sein/ tag vnd nacht/ von
seinem gesetzs tichten/ vnd on vnderlass betten/
dan Gott will solliche andacht von vns ha-
ben/ das wir vnser hertz allwege zu jm auff-
heben/ vnd all vnser leben nichts anders sey/
dann ein stettigs lob vnd Gottes dienst/ also
das wir in ymmer preysen/ loben vnd danck-
sagen. Darumb spricht er / Psalm. 50. Wer
danckopffert der preysset mich/ vnd da ist der
weg das ich jm zeyge das heyl Gottes/ Sol-
liches geschicht wenn wir sein gnedigs wort
vnd milte verheysungen fleysig üben/ Deu.
33. dann zu seiner rechten handt ist ein feurigs
gesetz/ vnd sein wort ist mit feuer wol durch-
leutert / Psalm. 119. Wenn wir dasselbige be-
trachten/ so wirdt vnser hertz entzündet/ Gott
zu lieben vñ loben/ Darumb ist auch der Prie-
ster ampt/ das sie mit leren vnd exempel/ sol-
lich feuer schüren/ holz vnd Brandopffer dar-
an legen/ das ist/ die Artickel des Glaubens/

A 4



Bitte des Vater vnfers vnd Zehen gepot/ als
darinne Gottes wille vnd verheyssungen für
gehalten werden / zu übung Chriſtenlichs
glaubens vnd liebe/ stets fürbilden/ als darinn
die Summa Chriſtenlicher zucht verfaſſet/ vnd
rechte Chriſtenliche andacht erweckt wirdt/
Dan̄ diſes iſt der Chriſten weyßheyte bey allen
völkern zurhümen/ Deute. 4. das Gott ſich
zu jnen nahet/ ſo oft ſie in anruffen/ des hertz
vnd gnedigen willen ſie erkennen/ derhalben
nütz vnd gut iſt/ diſe zucht in lere/ predigens/
ſingens vnd allerley weyſe fleißig zutreiben/
fürderlich aber gebets weyſe wie in diſem büch
lein gar feyn abgemalet wirdt/ dan̄ Gott kein
angenemer opffer kan geſchehen wan̄ ein an-
dechtigs hertz das ſich in in ſchmückt vnd
erhebt/ mit liebe/ forcht/ danck vnd lob/ wie
David ſpricht/ Die opffer die Gott gefallen
ſind ein geengſter geyst/ ein geengſter vnd zu-
ſchlagen hertz würstu Gott nicht verachten.

Zu ſollichem werck das hertz zubewegen/
wirdt diß büchlein faſt wol dienen/ als das in
ſunderheyte die begird vnd andacht zu Gott
erregt vnd anzündt/ alſo das man in lerne
fürchten/ lieben/ loben vnd für augen haben.

Wöcht auch wol genent werde/ *Itinerarium
salutis*/ ein wegebericht zum heyl vnd

seligkeit. Weyl David Gottes lob ein weg
zum heyl nennet/ aber doch wöllen wirs an-
ders tauffen vnd nennen ein feuerzeüg ic. als
das ein feuer im hertzen anzündt/ welliches
vnser lieber Herr Jesus Christus auff erden
hat wöllen senden/ das es brennen solt/ vnnnd
die menschen zu Gott treyben/ Man hat vil
Bethbüchlein mit hohen Titeln lassen auß-
gehen/ der Seelen wurtzgarten/ Erzney/ Pa-
radiß vnd dergleichen/ die mag ein yeder nach
seinem verstandt vrteylen/ Dises aber sol ein
übung vnd anreyzung sein zum glauben vñ
liebe/ dardurch Gottes reich erlanget wirdt/
Darumb heyst es ein feuerzeüg des gebrauchs
halben/ zur andacht nach der materi oder sub-
iect/ die Chüstlich sey vñ nit gleißnerisch nach
der art/ Dan Gottes wort handeln im predi-
gen/ beten/ singen/ lesen/ hören oder betrach-
ten/ reynigt das hertz/ stercket den glauben/
füret zum hymelreich/ gibt ewige gerechtig-
keit/ meret die Chüstenheyt so Gottes reich
ist/ Belüftiget im geyst/ vnd machet das man
Gott recht preysset vnd jm im geyst dienet.

Darumb als offte dein hertz verfinstert/ er-
kalbet/ verstecket vnd verherttet wirdt/ so nimb
disen feuerzeüg für die handt/ ließ vñ betrach-
te darinnen/ so wirst du on zweyffel feuer der

andacht darauß empfahen/als ob stabel vnd
hertter stein da weren.

In sunderheyt aber ist solliches feüerzeügs
von nöthen zu diser letzten ferlichen zeyt/ da
wir im finsternuß/ schattē des todts vñ fremb
dem landt ferne von Gott sitzen/ da niemand
für frost bleybē kan/ er werd dan durchs wort
Gottes erwemet vnd erweyhet/ allermeyst
in Keüssen/ Preüssen vñ andern landen gegen
Mitternacht/ da vilfeltige Abgöoterey vñ als
ter her gewest/ das Euangelion nie lauter er
schollen/ vñ der Sathan sunderlich vilfeltige
gespenst pflegt zu treyben ic. Derohalben von
nöthen ist/ abents vnd morgens/ in glück vnd
unglück/ bey tag vnd nacht/ in wachen vñnd
schlaffen/ dises feüerzeüges zu brauchen/ vnd
den Camin zu Zion darmit anzünden/ Wenn
du früe wilt auffstehen/ nidergehen/ essen/ rath
schlagen/ handtieren/ arbeyten/ federspill ha
ben oder sunst etwas fürnemen/ so nimb disen
feüerzeügs vnd schlage darmit ein liecht vñnd
feüer in deinem hertzen auff/ auff das du alle
ding mit Chrißlicher andacht vñnd reychem
glauben nach Gottes wort vnd willen thuest
vnd die seligkheyte erlangest/ Amen.

Die Zwölff Artickel Christ
lichen glaubens / Bets
weyse.

Ich glaub in Gott den all-
mechtigē Vater / Schöpf-
fer des hymels vnd der er-
den / als in dich meinen al-
ler gnedigsten Herrn vnd Barmhertz-
igsten Vater / Der du von meinet we-
gen / hymel vñ erden geschaffen hast /
vñ alles was drinnen ist / Auch mich
vber dasselbige / als dein liebes kindt /
auf väterlicher gnaden / einen herren
vnd erben gemacht / darinn zu bley-
ben vnd leben ewiglich / Wiewol ich
bekenne / das wir menschen dise gna-
denreyche kindtschafft / würdigkeyt
vnd erbschafft / durch den vngehor-
sam Adams / verloren haben / Doch
setze ich inn dich / als inn meinen aller

A iiii



gnedigsten Vater/ alle meinen trost/
hoffnung vnd vertrauen/ Vnd byn
sycher vnd gewiß/ das mir solch fall/
vnshedlich vnnd vnuerdamlich sein
wirdt.

Ich glaube auch in Jesum Chri-
stum deinẽ eingebornen Sun vnsern
herren/ Das er mir disen fall/ gegen
dir meinen Vater/ versõnet hat/ zwi-
schen dir vnd mir armen stinckenden
sünder/ fridgemacht/ Vnnd mir die
erbschafft/ durch seinẽ gehorsam wi-
derumb erworben / Vnd mir auff s
newe/ durch sein heyliges wort gege-
ben/ dein kindt zu werdẽ im glauben/
Ich hoffe vnd vertrau jm gantzlich/
er lasse seinen heylsamen vñ tröstlichẽ
en namen Jesum (denn ich glaub das
er sey warer Gott vnnd mensch) an
mir elenden stinckenden sünder/ nicht
verloren werden/ sondern erlöse mich

(nach deinem worte) von alle meinen
missethaten vnd sünden.

Ich glaube auch vñ bekenne/ mein
Herr Jesu Christ/ das du empfangē
bist/ von dem heyligen geyst/ on allen
menschlichen samē / Geboren vom
Marien der reynen vnbesleckten vñ
ewigkeuschē juncckfrawen/ Auff das
du mir vñnd allen glaubigen menschen/
widerumb bringest vnd erwür-
best vō deinem hymnischen Vater/ die
gnade des heyligen geystes/ die mir
entzogē war/ vō wegen meiner sünd.

Ich glaube vñ vertraue/ das der
heylige geyst in mich kumē sey/ Vñd
die krafft des aller höchsten Gottes/
hat meine seele (wie Marien) vmb-
schattet vnd vmbfangen/ damit ich
einen newen menschen empfangē/vñ
also in deinem ewigbleybenden leben-
digem vnd vnuerstörlichem wortte/

A v

widerumb newe geboren werde/ vnd
sehen müge das reych Gottes/ Denn
du bist ja des lebendigen Gottes sun/
vñ darumb mensch worden/das wir
elenden menschen/von v:ser sündlich:
en geburt/durch deine heylige vnbe=
fleckte geburt/als auß gnaden gerey=
niget/ vnd durch dich kinder Gottes
geworden.

Ich glaube vnd bekenne auch/das
du gelitten hast vnder dem Richter
Pontio Pilato/gecreuziget / gestor=
ben vnd begraben worden/ Vnd das
alles von meiner sünden wegen/ auff
das du mich von dem ewigen Creuz
marter/ leyden vnd todt/ durch dein
Creuz/leyden/angst vnd not / mar=
ter vnd bitterlich sterben/auch durch
dein rosenfarbes blut / erlösest vnnd
kaufftest/ Inn dem denn deine aller=
gröste vnnd höchste liebe / gegen vns

6
armen menschen erkennet wirdt/ deñ
du hast vnns ja also dein schweres
Creütze/ in ein leycht joch/ dein bitter
leyden inn eine vnuerגעckliche freu-
de/ vnd deinen grymigen todt/ in ein
ewig lebē verwandelt/ Darumb sag
ich dir lob vnd danck mein gnediger
Herr Jesu Christe/ ymer vnd ewig-
klich.

Ich glaube auch vñ bekenne/ mein
Barmhertziger Christe/ Das du zu
der hellen herunder gestigen bist/ den
Teuffel vnd alle seine gewalt/ list vñ
Bosheyt/ mir vñnd deinen glaubigen
zu dempffen/ vñ gefangen zu nemen/
das mir der Teuffel hynfür nit scha-
den kan/ vñ mich von der hellen peyn
erlöset/ den selbigen auch vnschedlich
vnd verdienstlich gemacht/ Vnd am
dritten tage/ geyst/ seele vñnd leyb im
grabe widerumb mit einander ges-

eyniget/vnd als ein starcker vñ mechtiger vberwinder des todtes/der hellen vnd des Teuffels/ von dem todte wider auffstanden/ von vnser wegen/damit alle die/ so in dich glauben nicht verderben/sundern in dir vberwunden die sünde/ todt / helle vñnd Teuffel/vñ das ewige leben (als deine miterben vnd Brüder)erlangen.

Ich glaube auch vñ bekenne mein Herr Jesu Christ/das du nach vierzig tagen/inn welchen du auff erden gewandelt hast zu einem gezeügnuß deiner freudenreichen auffstehung bist auff gefaren in die hymel/vñ dich gesetzt zu der rechten deines hymelischen Vaters/in gleicher gewalt/glorien vnd preys/mit dem Vater/ als vnser einiger fürbitter/mitler/gnade/thron vnd versöner gegen dem Vater/ der dir alle gewalt geben hat/ vber alle

seine güter / im hymel vnd auff erden
Da sitzest du mechtig vnd starck / zu
helffen allen glaubigen / die jr ver-
trawen / trost vnd hoffnung in dich
setzen / vnd zu dir schreyen vnd rüffen /
in allen jren nöten / Du heyssest auch
alle die beschweret sind / zu dir kum-
men / vñ wilt jren rwe schaffen / Der-
halben ist es on nott / mein sanfft müti-
ger Christe / dich weder hie oder dort
ja weder in der wüstung oder auff
dem berge / noch zu Jerusalem / dich
anzubeten / Denn man findet dich da
sitzen zu der rechten deines hymlich-
en Vaters / wie dich auch der heylig
Steffanus gesehen hat vñ angebet.
Es ist auch vmb sunst einen andern
fürsprecher zu suchen / du bist es allein
vnd wilts allein sein / vnd wirst dise
eere keinem andern geben / Welcher
anders glaubt / der ist lügenhafftig.

Ich glaube vñ bekenne auch/ das
du von dannen her/ zukünfftig bist/
zurichten die lebendigen vnd die tod=
ten/auff den tag des jüngsten gericht=
tes/welcher allen gotseligen mensch=
en/ ein sunderlicher erwelter vñnd
freundlicher tag sein wirdt/Als denn
werden wir sehen/ von angesichte zu
angesichte vnsern Gott vnd heyland
in seiner grossen glorien vñ mayestet
kumende in der wolcken des hymels/
Als denn wird da ein ende nemen/vn=
ser fleyschlich sündlich vnd gotloses
leben/da wirt empfahen ein yegklich
er nach deiner zusage/das lohn seiner
werck/ Welche wol gearbeyt haben/
werden gehen inn das ewige leben/
welche aber vbel/ in das ewige feuer.
O mein Herr Jesu Christe/ verkürtz
dise tage/vnd kumb zu vns balde her=
ab/doch gib vns gnad vñ krafft/vn=

ser leben inn mitler zeyt also zufüren/
das wir würdig seyen/ deine gnedige
vnd süsse stymē/ denn mit freüden zu
hören so du wirst sagen / Kumbt jr
gebenedeyten meins vaters / ererbet
das reyck/ das euch bereyt ist von an-
begyn der welt/ Denn ich bin hunge-
rich gewesen/ vñnd jr habt mich ge-
speyset/ Ich bin durstig gewesen/ vnd
jr habt mich getrencket/ Ich byn ein-
gast gewesen/ vñ jr habt mich beher-
berget/ Ich bin nacket gewesen/ vñ jr
habt mich gekleydet/ Ich byn franck
gewesen/ vñnd jr habt mich besucht/
Vnd ich byn gefangen gewesen/ vnd
jr seyd zu mir kummen/ Warlich ich
sag euch/ was jr gethan habt einem
vnder disen meinen geringsten Brü-
dern/ das habt jr mir gethan/ Aber
den vnglaubigen/ verzagten/ verban-
ten/ vnkeuschen/ eebrechern/ seuffern/

gotpflasterern/ hoffertigen/ neydischen
en/geyztigen/ raubern/ tyrannen/ ab-
göttischen vnd lügnern/ wirdt jr vr-
teyl sein/ damit man sie mit schwefel
vnd feuer verbrennen wirdt/ Darfür
Behüt vns allzeyt/ O gnediger vnd
güttiger Herr Jesu Christe.

Ich glaube auch inn den heyligen
geyst/ der da aufgehet vom Vater
vnd dem Sun/ vnd doch mit ein ey-
niger vnd warer Gott ist/ der da al-
le ding heyliget/ vnd on in ist nichts
heylig/in den setze ich alle meinen ver-
trawen/ das er mich wirdt leren alle
warheyt/ mir meinen glauben sterck
en vnd meren/vnd das feur seiner lie-
be in meinem hertzen/ durch sein hey-
ligs eingeßen/ auffblasen vnd recht
anzünden/damit ich brenne inn wa-
rer ungeferbter vnd Christlicher lie-
be/ gegen Gott vnd meinem nechsten/
Das

Das bitt ich dich hertzlich mein Got
mein Herr/ mein tröster/ mein hoff-
nung vnd zuuersicht.

Ich glaube auch vnd bekenne/ ein
heylige gemeyne chüstliche kirche/
Das ist ein gemeynschafft der heylig-
en/vñ ein bruderschafft viler frum-
men vnd glaubigen menschen/ die da
eintrechtigklich bekennen einen Her-
ren/einen Gott/einen glauben/ vñnd
ein tauffe/durch das eynige lebendi-
ge wort Gottes/also versamlet/ auff
gericht vñnd regiert auff erden/ ja
gantz schöne vnd on alle mackel vn-
yrrig/reyn on alle runzeln vñnd vn-
streflich.

Auch bekenne ich offenlich/das du
mein Herr Jesu Christe/durch dein
rosenfarbes blut / die kirche selbs ge-
heyliget hast/seyest auch jr heüßet vñ
breütigam/vnd wirst auch biß auff s

B

end der welt bey jr sein/ O mein Got
laß mich vñ alle christglaubige men-
schen/in diser kirchen endtlich behar-
ren vñnd erfunden werden/ also das
wir eintrechtigklich mit jr glauben/
leren vñnd halten/ alles was du vnns
Befilhest durch dein wort/ auch alles
das dargegen befunden/ das du nit
gepflanzt hast / möge durch dein
wort außgerottet werden / auff das
wir mit keinerley menschen ansehen/
gesetze oder lere der alten oder jungen
Väter/ Besten/ Concilien/ Hohen-
schülen oder des alten Brauchs/in yr-
thumb gefüret werden/ Mein Herr
Jesu Christe/ richte wider auff die
zwo Bündnuß / nemlich die wasser-
tauffe vñnd das Abentmal deines ab-
scheydens/ mit welche du deine Braut
außwendig vñndgürtet hast vñnd
vñndgebunden/ Deñ es sey deñ sache

das die zwey strücke/ nach deiner ein-
 satzung vnd ordnung/ wider auffge-
 richtet werden/haben wir vnder vns
 weder glauben/ lere / kirche / glaube/
 Brüderliche straffe/weder Bañ noch
 außschliessung / on welche ding es
 nymmer mer wol stehen kan in dei-
 ner kirchen.

Ich glaube auch vnd bekenne/ver-
 gebung der sünden/also das dise chri-
 stliche kirche/die schlüssel/befelch vnd
 gewalt/vonn dir Herr Christe em-
 pfangen hat/dem sündler damit auff
 zu schliessen/als offst er rewe vnd leyd
 vber seine sünde hat/ Die pforten des
 hymels/ vnd inn die heylige gemeyn-
 schafft der Christglaubigen/ als den
 verlornen sun/ vnnnd des bussfertigen
 Bey den Corinthern/ wider anzune-
 men/so er/nach dem er zweymal ver-
 manet ist/ abstehen will. Ich glaube

B ij

auch warhafftig vñ gewislich/ das
dise kirche auch gewalt habe/ densel-
bigen außzuschliessen/vñ in als einen
Zölner vñnd Heyden zu halten/Hie
glaube ich vñ bekenne öffenlich mein
Herr Jesu Christ/das die/welche die
Christliche kirche also auflöset auff
erden/auch gewislich auffgelöset/vñ
von iren sünden entpunden sind im
hymel/Widerumb/welche die kirch-
en pindet/vnd auß irer gemeinschaft
aufschleußt/auff erden/ das dieselbi-
gen auch gepunden seind für Gott in
dem hymel/vñnd auß der gemeinen
Christlichen kirchen (außser welchen
kein heyl ist) außgeschlossen/ wie den
Christus seiner lieben brant/ die bey-
den schlüssel selbs an die seyten gehen-
get oder gegeben vnd befolhen hat/
diuweyl er noch auff erden war.

Ich glaube auch vnd bekenne eine

44
aufferstehung des fleysches/ Ja eben
des leybes/ mit dem ich yetzt vmbge-
ben byn/ Gott gebe er werde verzeret
durch die wärme/ ertrenckt/ gehenckt
oder verbrennet/ Vñ ob er mir gleich
meine zeytliche eere/ gut/ leyb vnd le-
ben genummen hat/ so werde ich doch
erst/ die rechte eere/ die für Gott gilt/
ein vnuergencklich gut/ einen vnleyd-
lichen/ verklärten/ vnsterblichen leyb/
vnd ein ewig leben/ auff den tag der
frölichen aufferstehung/ meines fleys-
ches erst recht vberkummen/ O mein
milter Herr Jesu Christ/ sterck vnd
Behalt mich im glauben.

Ich glaube auch vnd bekenne/ ein
ewigs leben/ das du mein Gott vnd
Herr/ deinen glaubigen vnd aufer-
welten/ nach disem elenden leben ge-
ben wirst/ so mit klarer vnd freuden-
reycher anschawung deines götlich-

en angesichts Begaben / vnd in allem
so sie begeren / auch mit ewiger rwe/
ewigem fride vñ ewiger seligkēyt er=
settigen / Welche freude / wunne vñnd
wollust / kein mensch aussprechē oder
Begreyffen mag hie auff erden / denn
kein aug hat gesehen / kein ohr hat ge=
hört / es ist auch nie in eines menschen
hertz gestigen / das Got bereydet hat /
denen die in vñnn hertzen lieb haben /
O heyliger Gott / O starcker Gott /
O vntödlicher Gott / das ist mein
glaube / den ich mit dem hertzen vñnd
mund bekenne / vñnd öffenlich für der
Kirchen in der Wassertauffe Bezeriget
hab / Ich Bitt dich treulich / wöllest
mich gnediglich darinnen behalten /
bis an mein letztes endt / Vñnd ob ich
schon auß menschlicher forchte vñnd
blödigkēyt / durch tyranny vñ mar=
ter / schwerdt / feuer oder wasser / da=



non gedrungen würde/ So ruffe ich
doch hiemit zu dir / O mein barm-
herziger Vater / richte mich wider
auff / mit der gnade deines heyligen
geysts/vñ las mich nit on disen glau-
ben/ durch den todt abscheyden/das
bitte ich dich von grundt meines her-
zen/Durch Jesum Christum vnsern
Herrn/erlöser vnd heylandt/ denn in
dich güttiger vñ barmherziger Va-
ter/hoffe ich/ las mich in ewigkeith nit
zu schanden werden/Amen.

Der Decalogus/ Ein yeg-
lich Sepot in ein geuier-
des gesteller.

Ich byn der Herr dein Gott ꝛc.
Du solt kein ander götter haben
neben mir ꝛc. Hie dencke ich erst-
lich/das Gott von mir fordert vñnd

leret hertzliche zuuersicht zu jm in allen sachen/vñ ist sein hoher ernst/das er wölle mein Gott sein/vnnd dafür soll ich in halten/bey verlust der ewigen seligkeyt/vñ das mein hertz sunst auff nichts soll bawen noch trawen/es sey gut/eere/weyßheyt/gewalt/heyligkeyt oder eynige creatur.

Zum andern/dancke ich seiner grundlosen Barmhertzigkeyt/das er sich so väterlich zu mir verlornē menschen herunder sencket/vnd sich selbs/vngebeten/vngesucht/vnuerdienet/mir anbeütet/mein Gott zu sein/sich mein anzunemen/vnd in allen nöthen/mein trost/schutz/hilff vnd sterck sein wil/so doch sunst wir armen blinden mensche so mancherley göter gesucht haben vñ noch suchen müsten/wor sich nit selbs so offenlich hören liesse/vnd vns in vnser menschlichen sprach

13
sich anböte/das er vnser Got sein wöl
wer kan jm dafür ymmer vnd ewig=
lich gnug danckens?

Zum dritten/Beychte vnd bekenne
ich meine grosse sünde vnd vndanck=
barkeyt/das ich solche schöne lere vñ
hohe gabe/durch mein gantztes leben
so schendtlich veracht/vnd mit vnze=
lichen abgöttereyen seinē zorn so greü=
lich gereyzt hab/das ist mir layd vñ
bitte vmb gnad.

Zum vierdten bitte ich vnd spreche
Ach mein Gott vñnd Herr / hilfse
mir durch dein gnad/das ich sollich
dein gepot/müget täglich ye besser ler=
nen vnd verstehen/vnd mit hertzlich=
er zuuersicht darnach thun/Behüt ja
mein hertz/das ich nit mer so verges=
sen vnd vndanckbar werde/kein an=
der götter noch trost auff erden noch
in allē creaturn suche/sundern allein

reyn vn̄ feyn/ an dir meinem eynigen
Gott Bleybe/Amen/lieber Herr Got
Vater/Amen.

Darnach/ so ich will oder
zeyt hab/das ander Gepot/auch
also ins geuierdre gedrehet also.

Du solt den namen des Herren dei-
nes Gottes nit mißbrauchen zc. Erst
lich lerne ich/ das ich Gottes namen
sol herrlich/heylig vnd schon halten/
nit dabey schweren/fluchen/liegen/
nit hoffertig sein/noch aygē eere oder
namen suchen/sundern demütiglich
seinen namen anrüssen/anbeten/prey-
sen vnnd rhümen/ vnd lasse das alle
mein eere vnd rhum sein/ das er mein
Gott ist/ vnnd ich sein arme creatur
vnd vnwürdiger knecht byn.

¶ Zum andern/ dancke ich der herr-

44
liche gaben/ das er mir seinen namen
offenbart vnnnd gegeben hat/ das ich
mich seines namen rhümen kan vnnnd
nennen laß/ Gottes diener/ creatur ꝛc
das sein nam mein zuflucht ist / wie
ein feste Burck (als Salomo sagt)
zu welcher fleucht der gerecht vnnnd
wirdt beschirmet.

Zum dritten/ Beycht vnnnd Bekenne
ich meine schendliche schwere sünde/
wider dis gepot/ mein lestag gethan
da ich seinen heyligen namen/ mit al-
lein vnangeruffen/ vngerümet vnnnd
vngeeret gelassen hab/ sündern auch
vndanckbar für solche gabe gewest
syn/ vnd derselben zu allerley schan-
den vnd sünden mißbraucht hab/ mit
schweren/ liegen/ triegen ꝛc. das mir
leyd ist vnd bitte vmb gnad vnd ver-
gebung ꝛc.

Zum vierdten/ Bitte ich vmb hilff

vnd sterck/ das ich hynsfürt solchge-
pot wol lernen müg/ vnd behüt mich
für solcher schendlicher vndanckbar-
keyt/ mißbrauch vnnnd sünden wider
seinen heyligen namen/ sundern das
ich danckbar erfunden werdt/ vnd in
rechter forcht vnd eere seins namens.

Vnd wie ich droben gesagt hab
im Vatter vnser/ also vermane ich
abermal/ ob der heylige geyst vnder
solchen gedancken keme/ vnd anfieng
in dein hertz zu predigen/ mit reychen
erleüchten gedancken/ so thu jm die
eere/ laß dise gefassete dancken faren/
sey still vnnnd höre dem zu/ ders besser
kandenn du/ vñ was er predigt/ das
merck/ vnd schreybe es an/ so wirst du
wunder erfahren (wie David sagt)
im geseze Gottes.

Das dritte Gepot.

Gedencck das du den Feyertag heyli-
 gest. Hierinn lerne ich erstlich / das
 der Feyertag ein gesetz ist / nicht zum
 müßigang noch zu fleischlicher wol-
 lust / sondern das er von vns solle ge-
 heyliget werden / durch vnser werck
 aber vnd thun wirdt er mit geheyli-
 get / denn vnser werck sind nit heylig /
 sondern durchs wort Gottes / welch-
 es allein gantz reyn vnd heylig ist / vñ
 alles heyliget / was damit vmbgehet
 es sey zeyt / stet / person / werck / rühe &c.
 Denn durchs wort werden vnser
 werck auch heylig / Wie S. Paulus
 j. Thimoth. iij. sagt / Das auch alle
 creatur geheyliget wirt durchs wort
 vnd gepet / Darumb erkenne ich hier-
 inn / das ich am Feyertag solle zu for-
 derst Gottes wort hören vñ bedencck
 en / darnach im selben wort dancken /
 Gott loben für alle seine wolthat / vñ

Beten für mich vñ alle welt/ Wer sich
also helt am Feyertag/ der heyliget
den Feyertag/ wers nicht thut/ der
thut erger dann die dran arbeyten.

Zum andern/ danck ich in disem
gebot/ für die grossen schöne wolthat
vñnd gnade Gottes/ das er vns sein
wort vñd predig geben hat/ vñ auff
den Feyertag sunderlich zu üben be-
solhen / welchen schatz kein mensch-
lich hertz gnugsam bedencken kan/
denn sein wort ist das eynige liecht in
der finsternus dises lebens/ vñnd ein
wort des lebens/ trosts vñd aller se-
ligkeyt/ vñnd wo das liebe heylsame
wort nicht ist/ da ist eytel schreckliche
greüliche finsternus/ yrrthumb/ rot-
ten/ todt/ alles vnglück/ vñ des Teuf-
fels eygen tyranney/ wie wir täglich
für augen sehen.

Zum dritten/ Beychte vñd Bekenne

ich meine grosse sünde vñ schendliche
 vndanckbarckeyt/ das ich die feyer=
 tag so lesterlich hab mein lestag zu=
 bracht/ vnd sein theur werdes wort
 so jemmerlich veracht / so faul / vn=
 lustig vnd vberdrüssig dasselb zu hö=
 ren gewesen / schweyge das ichs hertz=
 lich begert oder yemals dafür gedan=
 cket hette / Habe also meinen lieben
 Gott vmb sunst mir predigen/vnnd
 den edlen schatz faren lassen/ vnd mit
 füssen drüber gangen/ welchs er mit
 eytel götlicher gütte von mir gedul=
 det/vnd darumb nit abgelassen ym=
 mer fort mir zu predigen vnd zu ruf=
 fen zu meiner seelen seligckeyt/ mit al=
 ler väterlicher götlicher liebe vnnd
 trewe/das ist mir leyd vnd bitte vmb
 gnad vnd vergebung.

Zum vierdten/bete ich für mich vñ
 alle welt/ das der liebe vater / wolte

vns bey seinem heyligen wort erhalten / vnd dasselb nit von vns nemen vns vnser sünde / vnd danckbarkeit vñ faulheyt willen / Wolt vns behütten für rotten geystern vñnd falschen lernern / sundern sende vns trewe vñnd frumē Pfarherr vnd Prediger / Gebe vns allen auch gnade / das wir der selben wort / als sein selbs wort demütiglich hören / annemen vnd eeren / dazu auch von hertzen dafür dancken vnd loben zc.

Das vierdte Gēpot.

Du solt deinen Vater vnd dein mütter eeren. Erstlich lerne ich hie / Got meinen schöpffer erkennen / wie wunderbarlich er mich mit leyb vnd seele geschaffen / auß meinen Eltern das leben gegeben / vnd hat jnen das hertz gegeben /

gegeben / das sie mir / als jres leybs
frucht / mit allē kresssten gedienet / zur
welt bracht / mich geneeret / mein ge=
wartet / gepflegt vñ erzogen mit gros=
sem fleyß / sorge / fahr / mühe vnd ar=
beyt / Vnd bis auff dise stunde / mich
sein geschöpffe / an leyb vnd seele / für
vnzelicher fahr vnd not behüt / vñnd
auch oft außgeholfen hat / als schaf=
fet er mich alle stundt auff s newe /
denn der Teuffel vns nit ein augen=
blick das leben gūnet.

Zum andern / danck ich dem reych=
en gūttigen schöpffer / für mich vñnd
alle welt / das er inn disem gepot / ge=
stifft vnd bewaret hat / vermerung
vnd erhaltung des menschlichen ge=
schlecht / das ist / Haus vñ Stat we=
sen oder Oeconomiam vñ Politiam
denn on dise zwey wesen oder regi=
ment / kōndte die welt nit ein jar ste=
C

hen/ Weyl on weltlich regiment/ kein
fride ist/ wo kein fride ist/ kan kein
haus wesen sein/ wo kein haus wesen
ist/ da können/weder kinder gezeüget
noch erzogen werden/vnd müste Va-
ter vnd mutter stand ganz auffhö-
ren/Aber dafür stehet diß gebot/vnd
helt vnd bewart/ beyde haus wesen
vñ Stat wesen/ Gebeüt den kindern
vñ vnderthanen gehorsam/helt auch
drüber/das es müß geschehen/ oder
wo es nit geschicht/ leß ers nit vnge-
strafft/sunß hetten die kinder durch
vngehorsam lengest alles haus we-
sen/vnd die vnderthanen durch auff-
rur/das Stat wesen zurissen/vnnd
wüß gemacht/ weyl jr vil mer ist
denn der Eltern vnd regenten/dar-
umb ist solche wolthat auch vnauf-
sprechlich.

Zum dritten/ Beycht vnnd bekenne

ich meinen leydigen vngehorsam vñ
 sünde/ das ich wider diß gepot mei-
 nes Gottes/ meine eltern nit geeeret/
 noch gehorsam gewest bin/sie offt er-
 zürnet vñnd beleydigt/ jr väterliche
 straff mit vngedult angenumēen/wi-
 der sie gemurret/jr trewe vermanūg
 veracht/vil mer loser gesellschaft vñ
 bösen buben gefolget / so doch Gott
 selbst solchen vngehorsamen kindern
 flucht vñ langes leben abspricht/wie
 denn gar vil drüber auch schendlich
 umbkumēen vñ vndergehen/ ehe sie
 zu leüten werden/Denn wer Vatter
 vñnd mutter nit gehorcht/ muß dem
 henccker gehorchen / oder sunst durch
 Gottes zorn böflich vmb sein leben
 kumēen zc. Solchs alles ist mir leyd/
 vñnd bitte vmb gnad vñ vergebung.

Zum vierdten/Bete ich für mich vñ
 alle welt/dz vns Got wolt sein gnad

verleyhen/ vnd seinen seggen reychlich
aufschütten/ beyde vber hauf wesen
vnd Stat wesen/ das wir hynfür
frum̄ werden/ die Eltern eerlich hal
ten/ den herrschafften gehorsam sein/
dem Teuffel widerstehen/ vñ seinem
reytzen nit folgen zu vngehorsam vñ
vnfride/ vnd also mit der that helffen
das hauf vnd landt bessern/ vnd den
fride erhalten/ Gott zu lob vnd eeren
vns selbs zu nutz vnd allem gutten/
Vnd das wir solche seine gaben erken
nen vnd dafür dancken/ Sie soll mit
vndergehen auch das gebet für die
Eltern vñnd Oberherren/ das inen
Gott verstand vñ weysheyt verley
he/ fridlich vñnd seligklich vns für zu
stehen vnd zu regieren/ Er behütte sie
für tyranny/ toben vnd wütten/ vñ
wende sie dauon/ das sie Gotts wort
eeren/ nit verfolgen/ noch yemand vn-

recht thun/ Denn solche hohen gaben
muß man mit beten erlangē/ wie S.
Paulus leret/ sunst ist der Teuffel der
oberst Abt zu hoff/ vnnnd gehet übel
vnd wüßt zu.

Vnd wenn du auch Vater vnnnd
mutter bist/ so ist's hie zeyt/ dz du dein
selbs nit vergessest/ noch deiner kinder
vnd gesinde/ sondern bittest mit ernst
das der liebe Vater/ so dich inn seines
namens vnd ampts eere gesezt/ vnnnd
dich auch will vater genennet vnnnd
geeeret haben/ dir gnade vnnnd segen
verleyhe/ dein weyb/ kind vnd gesind
götlich vnd christlich zu regieren vnd
ernewen/ Gebe dir weyßheyt vñ kraft
sie wol zu erziehen/ vnnnd inen ein gut
hertz vnd willen deiner lere zu folgen
vnd gehorsam zu sein. Denn Gottes
gaben sind beyde kinder vñ jr gedey-
en/ beyde wol geratten vnd gut bley-

Ben/ sunst wirdt ein hauf nit anders
den ein Sewstal/ ja ein Buben schule/
wie man sihet bey den gotlosen gro-
Ben leuten.

Das fünffte Gepot.

Du solt nit tödten. Hie lerne ich erst-
lich/ das Gott von mir will haben/
Ich soll meinen nechsten lieben/ also/
das ich jm kein layd soll thun an sei-
nem leybe/ weder mit wortten noch
mit werckē/ nit durch zorn/ vngedult/
neyd/ haß/ oder eynige Bosheyt/ mich
an jm rechen oder schaden thun/ sun-
dern soll wissen/ das ich schuldig byn
jm zu helffen vnd rathen in allen sei-
nen leybs nöten/ Dañ er hat mir mit
disem gepot/ meines nechsten leyb zu
bewaren befolhen/ vnnd widerumb
meinem nechsten befolhen/ meinē leib

zu bewaren/ vñ wie Syrach spricht
Er hat vnser yeglichem seinen nech-
sten befolhen.

Zum andern/dancke ich hie solcher
vnaussprechlichen liebe /sorge vñnd
trew gegen mir/das er ein solche gros-
se starcke hut vñd maur vñs meinen
leyß her gestellet hat/das alle mensch-
en sollē schuldig sein/ mein zu schonen
vñ mich zu behüten/Vñd wider vñs
ich auch gegen alle menschen / helt
auch drüber/vñd wo es nit geschicht/
hat er das schwert befolhen zur straf-
der ihenigen die es nit thun/sunst wo
solch sein gepot vñnd stift nit were/
solte der Teuffel ein solch morden vñ-
der vñs menschen anrichten/das kei-
ner nit ein stund sicher lebē kñnd/wie
es denn geschicht/wenn Gott erzür-
net/vñd die vñgehorsame vñnd vñ-
danckbare welt strafft.

Zum dritten/ Beycht vnd klag ich
hie über meine vñ der welt Bosheyt/
dz wir nit allein so greulich vnd anck-
bar sind/ für solche seine väterliche lie-
be vñ forge für vns/ sondern das doch
ja zumal schendlich ist/ das wir sol-
liche gepot vnd lere nit können/ auch
nit lernen wollen/ sondern verachten
als gieng es vns nit an/ oder als het-
ten wir nichts dauon/ geen dazu sich-
er dahyn/ machen vns kein gewissen/
das wir vnsern nechsten wider diß ge-
pot so verachten/ verlassen/ ja verfol-
gen vnd verlegen/ oder auch im hertz-
en wol tödten/ folgen vnserm zorn/
grim vnd aller Bosheyt/ als theten
wir recht vnd wol dran/ Fürwar hie
ist klagens vnd schreyens zeyt/ vber
vns böse Buben vnd blinde/ wilde/ vn-
göttige leute/ die wir wie die grimi-
gen thier vndereinander vns treten

21
stossen/ krazen/ reyssen/ Beyssen vnnnd
fressen/ vnd fürchten solch ernst gepot
Gottes nichts zc.

Zum vierdten / Bitte ich/ er wolt
der liebe Vater/ vns solch sein heylig
gepot lernen erkennen/ vnnnd helffen/
das wir vns auch darnach halten
vnd leben/ Behütte vns alle vnder
einander für dem mörder/ der alles
mördens vnd schadens meyster ist/
vnd gebe seine reychen gnade/ das die
leüte (vnd wir mit jnen) gegen einan
der freündlich/ sanfft/ güttig werden
einander hertzlich vergeben/ vñ einer
des andern feyl vñ gebrechē christlich
vnd brüderlich trage / vnd also inn
rechtem friede vnnnd eynigkeyt leben/
wie dis gepot vns leret vnd fordert.

Das sechste Gepot.

Du solt nit Lebrechen. Hie lerne ich

C v

abermal / was Gott gedencckt über
mich / vñ was er von mir haben wil /
nemlich / das ich soll keusch vnd züch-
tig vñd messig leben / beyde mit ge-
dancken / wortten vnd wercken / vnd
einem yeglichen sein weyb / tochter /
magt / vngeschendet soll lassen / sun-
der helffen / retten / schützen / vnd alles
thun / was zu erhaltung irer eeren
vnd zucht dienet / auch helffen die vn-
nützen meüler stopffen / so inn ire eere
abschneyden oder stelen / Denn solchs
alles bin ich schuldig / vnd Gott will
von mir haben / das ich nit allein soll
meines nechstes weyb vnd die seinen
vngeschendt lassen / sunder auch schul-
dig sein / das ich seine zucht vñd eere
helffe erhalten vnd bewaren / wie ich
wolt / das mein nechster gegen mir
solchs thun muste / vnd dis gepot an
mir vnd den meinen üben.

Zum andern/ danck ich dem trew-
 en lieben Vater/ für solche seine gnade
 vnd wolthat/ das er mit disem gepot
 inn seinen schutz vnd schirm nymbt/
 meinen man/ sun/ knecht/ weyß/ tocht-
 ter/ magt / Vnd verbeüt so ernstlich
 vñ hart/ das man sie nit zu schanden
 sol machen/ denn er gibt mir sicher ge-
 leyt/ helt auch drüber/ vñnd lests nit
 vngestraft/ solt ers auch selber thun/
 wo yemand solch gepot vnd geleyt
 übertrit vnd bricht/ Es entlaufft jm
 keiner/ er muß es/ entweder hie beza-
 len/ oder solche lust zu letzt im hellisch-
 en feuer büßen / Denn er will keusch-
 heyt haben/ vnd eebruch nit leyden/
 wie wirs denn täglich sehen in allen
 vnbusfertige/ rauchlosen leuten/ das
 sie endtlich Gottes zorn ergreyfft vñ
 schendlich hyn richtet/ sunst were es
 nit möglich/ für dem vnsaubern teuf-

fel ein stund sein weyb/ kindt/ gesindt/
bey zucht vnd eeren zu erhalten/ Es
würden eytel hundts hochzeyt/ vnd
viehisch wesen drauß/ wie es gehet/
wo Gott im zorn sein handt abthut/
vnd lests über vnd über gehen.

Zum dritten/ Beycht vnd bekenne
ich mein sünd (vñ aller welt) wie ich
wider diß gepot gesündigt hab/ es sey
mit gedancken/ wortten vnd werck-
en/ mein lestag/ vnd nit allein vndan-
ckbar gewest/ für solche schöne lere
vnd gabe/ sunder auch wol wider
Gott gemurret habe/ das er solliche
zucht vnd keüscheyt gepoten/ vnd nit
allerley vnzucht vnd büberey/ frey vñ
vngestraft gelassen hat/ den eestand
veracht/ verspottet/ verdambt gehal-
ten zc. wie den dises gepots sünde für
allen andern/ die gröbesten vnd aller
erkentlichsten sind/ keinen deckel noch

schmücklein haben/das ist mir layd.

Zum vierdten/Bitte ich für mich
vnnnd alle welt/das vns Gott wölle
geben gnade/solch sein gepot mit lust
vñ liebe zu halten/Das nit allein wir
keusch leben/sundern auch andern da
zu helffen vnd rathen.

Also fare ich fort mit den andern
gepoten/so ich zeyt vnnnd weyl habe/
oder mich gelust/Denn wie ich ge-
sagt habe/will ich niemandt gebun-
den/an dise meine wort oder gedanck-
en/sundern mein exempel dar gestel-
let haben/dem da folgen mag wer
da will/oder bessern/wers kan/vnnnd
auff ein mal für sich nemen alle gepot
oder so vil in gelustet/Denn die seele/
wenn sie auff ein ding geredt/es sey
böß oder gut/vnd jr ernst ist/so kan sie
in einem augenblick mer dencken/den
die zunge in zehen stunden reden/vnd

die federn in zehen tagen schreyben/so
ein behend/ subtil vnd mechtig ding
ists vmb die seel oder geyst/ Darumb
hat sie die zehen gepot / durch alle
vier stück/ gar bald außgericht/ wenn
sie es thun will vnd ernst ist.

Das siebend Gepot.

Du solt nit stelen. Erstlich lern ich
hie/ich soll meines nechsten gütter nit
nemen noch haben wider seinen wil-
len/ weder heymlich noch offenbar/
nit vntrew noch falsch sein/ mit han-
deln/dienen/arbeyten/ damit ich das
meine nit diebisch gewinne/ sondern
soll mich im schweyß meiner nasen
neeren/vñ mein eygen brot essen/ mit
allen trewen. Item das ich helffen
soll/das meinem nechsten (gleich wie
mit selbs) das seine/durch obgenante

24
stück nit genumen werde.

Ich lerne auch/das Gott solch gepot/
mir mein gut Befridet vnd verheget/
auf väterlicher forge vñ ernst weyl er verbeüt/
man solle mir nichts stelen/
vnd wo mans nit thut/
so hat er die straffe drauff gelegt/
den galgen vnd strick meyster Hansen befolhen/
oder wo der nit kan/
so strafft er es doch selbst/
das sie müssen zu letzt Betler werden/
wie man spricht/Wer jung gern stilet/
der gehet im alter Betlen. Item vnrecht gut druhet nit/
Vnd übel gewinnen/böflich zerrunnen.

Zum andern/danck ich seiner trewe vnd güte/
das er mir vnd aller welt/
so gutte lere/
vnd damit auch schutz vnd schirm gegeben hat/
denn wo er nit schützet/
bliebe keinem kein heller noch bissen brots im hause.

Zum dritten/ Beyehte ich alle mein
sünd vnd vndanckbarkeyt/ wo ich ye-
mand vnrecht vnd zu kurtz oder vn-
trew gethan hab mein lebenlang ic.

Zum vierdten / Bitte ich/ er wolt
gnad verleyhen/ das ich vñ alle welt
solch sein gepot/ doch lernen vñd be-
dencken mügen/ vñ auch dauon bes-
sern/ das doch des stelens/ raubens/
schindens/ vntrewens/ vnrechts/ we-
niger werde/ vnd in kurtz durch den
jüngsten tag (da alle aller heyligen
vnd creaturn gebet hyn dringet) Ro.
viiij. gar ein ende werde/ Amen.

Das acht Gepot.

Du solt nit falsch gezeügnuß geben.
Das leret erstlich/ vns warhafftig
vnder einander sein/ vnd allerley lü-
gen vnd verleümbden meyden/ gern
das beste

das beste von andern reden vnd hō-
 ren/ Vnd ist damit vnserm gerücht
 vnd vnschuld/ ein mawer vnd schutz
 gestifft/ wider böse meüler vñ falsche
 zungen/ welche auch Gott nit vnge-
 strafft leßt/ wie von andern gepoten
 gesagt. Des sollen wir jm dancken/
 beyde für die lere vñ schutz/ die er vns
 so gnedigklich hiemit gibt.

Vnd zum dritten / beychten vñnd
 gnade begeren/ das wir vnser lebtag/
 so vndanckbar vñ sündlich zubracht
 haben/ mit liegen/ falsche bösen meü-
 lern wider vnsern nechsten/ dem wir
 doch schuldig sind/ rettung aller sei-
 ner eere vnd vnschuld/ wie wirs selbs
 gern hetten.

Zum vierdten / bitten wir vñ
 hilff / solliche gepot hynfür zuhal-
 ten/ vnd vñ ein heylsame zunge zc.

D

Das neündt vnd zehend Gepot.

Du solt nit Begeren deines nechsten
hauß/Item seines weybs zc. Das le-
ret vns erstlich/ wie wir mit keinem
scheyn des rechten/vnsers nechste gü-
ter vnd was sein ist/ im abspannen/
abwenden/ abdringen sollen/sunder
helffen das ers behalten müge/ wie
wirs selbs gern wolten vns gesche-
hen/Vnd ist auch ein schutz wider die
spitzen sündlein vnd rencke der welt-
weyssen / die doch auch ire straff zu
letz kriegt.

Zum andern/ Sollen wir dafür
dancken.


Zum dritten/ Unser sünde Beych-
ten mit reu vnd leyd.

Zum vierdten/ Bitten vmb hilff
vnd sterck/frum̄ zu werden/ vnd sol


lich Gottes gepot zu halten.

Das sind die Zehen gepot vierfelzig gehandelt/ nemlich/ als ein Leerbüchlein/ als ein Sangbüchlein/ als ein Beychtbüchlein/ als ein Betbüchlein. Hieraus solt ja ein hertz zu sich selbsts kumen/ vñ warm werden zum gebet/ Aber sihe zu/ das du es nit alles oder zu vil für dich nemeß/ damit der geyst nit müde werde/ Item ein gut gebet sol nit lang sein/ auch nit lang auffgezogen werden/ sander oft vñ hizig sein/ ist gnug wenn du ein stück oder ein halbes kanst kriegen/ daran du in deinem hertze ein feurlein kanst auff schlagen/ Nun das wirdt vñd muß der geyst geben/ vñd weyter leren im hertzen/ weñ es also mit Gottes wort gereymet vñd geledigt ist/ vñ frembdē geschefften vñ gedanckē.

D ij



Vom Glauben oder heyliger Geschrift ist hie nit zu sagen/ denn das were ein vnendlich ding/ Wer hie geübet ist/ kan hie wol einen tag die Zehen gepot/ den andern einen Psalm oder ein capitel auß der schrift zu sollichen feürzeüg nemen/ vnd in seinem hertzen damit feür auffschlagen.



O Almechtiger ewiger Got/ güetiger Vater / on welchen sunst kein ander Gott ist / den die menschen billich anrüssen/ Vnd der du mir auch gepoten vnd auffgelegt hast/ das ich dich anbeten/ bitten/ vñ in meiner angst vñ nott anrüssen sol/ vñ durch solch gebet von mir geeeret wilt sein.

Auff solch gepot vnd beselch/ wie wol mit einem erschrocken vnd forcht samen hertzen/ kum ich zu dir/ den ich



meinen ernstest Richter erkenne/ auß
dem das ich ein armer sündler byn/ vñ
in mutter leybe in sünden empfangen
auch auß mutter leybe in sünden ge-
boren.

Demnach so erkenn ich auch mein
vngerechtigkeyt/ vnd meine sünd ste-
hen mir alle augenblick für meinen
augen/ vnd ist inn mir auch heütigs
tags nichts guttes/ sondern alles sün-
de vnd böß/ was in vnd an mir ist/ vñ
das auß mir gehet/ denn ich byn im
todt vnd der finsternuß/ in thorheyt/
in lügen/ in sünden vnd in bößheyt/ in
schwacheyt/ in trawrigkeyt/ vñ in
vnglauben/ in schanden/ in vnfrid vñ
verzweyfflung/ in verdammuß/ vnd
inn allem bösen/ hab auch die gröste
sünd auff mir/ so ein mensch ymmer-
mer gehalten kan vnd mag. Denn ich
byn der rechte faule sawm/ vnd ha-

Ben mich die pforten des todts vñ der
hellen vmbgeben/weyl ich deinen hey-
ligen namen so offft geuneeret/nit al-
lein vñ festiglichen an dich geglaubt
auch die lieb gegen meinem nechsten
nit gebraucht vñnd erzeyget hab, Be-
sunder auff mich vñnd mein aygen
nutz gesehen vñ getracht/auch allem
übel nach gestelt/vnd byn dir vñ dei-
nem heyligen wort vñ danckbar ge-
west/Welchs alles von grund meins
hertzen/mir ein treulichs laid ist/vnd
auff solchem allem/meiner seelen inn
verzweyfflung stehe.

Weyl ich aber weyß/das dein lie-
ber sun Jesus Christus/darumb mir
von dir herab gegeben ist/darumb
auch mensch worden/gelitten/gestor-
ben/in die helle gefaren/vnd am drit-
ter tag wider auffstanden/sitzend
zu der gerechten des hymnlichen Vat:

ters/ auff das er mich erlöste / Vnd
zu der zeyt da er lyd / alle meine sünd
als ob sie warhafftig sein eygen ge=
wesen/ In welchem doch nie kein sün=
de was/ an sich genumen hat / auch
warlich für sie gelitten/ vnd inn rech=
ter hellischer not gesteckt/ mich nun
von der maledeyung des gesetzes er=
löst/ vnd er ein vermaledeyung für
mich worden ist/ auch mir endlich sei=
ne seligkeyt/ heyligkeyt vnd gotheyt/
auf lauter Barmhertzigkeyt / on all
mein zuthun/ gnediglich vnd Barm=
hertziglich geschanckt.

Nach dem du mir dann auch ge=
poten hast/ das ich in dich allein glau=
ben/ dich eeren/ auch in aller not an=
ruffen/ bitten vnd anbeten sol/ mit zu=
sagung/ das du mich auch des/ was
ich dich bitten werd/ geweren wölst/
welche zusagung denn mir der. 50.

Psalm anzeigen thut / also sprechend /
Küß mich an zur zeyt der not / so wil
ich dich erretten / so soltu mich preys-
sen / Vnd Christus im Euangelio
Matthei am. 7. Bittet so wird euch
gegeben / denn ein yegklicher wer da
bittet der entpfehet / Klopffet an so
wird euch auffgethan / Item Joha.
am. 16. Was jr den Vater in meinem
namen bitten werdet / das wirdt er
euch geben.

Auff solch gepot vnnnd zusagung
setz ich allen meinen trost vnd glau-
ben / zweyffel auch das gar wenigste
nit daran / wirdt keck vnd tret zu dir
Vater vnser der du bist im
hymel getrost / vnd bitte dich / nit
auf meinē fürnemen / noch auff mein
aygene würdigkeyt / besondern auff
dein gepot vnd verheyßung / so mir
nit felen noch liegen kan / Vergiß mir

49
alle meine sünd/ vnd mach/ das sie
mir noch vil leyder werden.

Mach auch einen newen mensch-
en auß mir/ auff das ich allen sünden
seyndt werd/ den alten Adam in mir
dempffe/ alle deine gepot/ dein götlich
es wort vnd weyßheyt liebe/ mensch-
lichen lüsten widerstehe/ niemands
vnrecht thu/ noch zuthun begere.

Vnd weyl meine vnderfassen/ nit
mein/ sunder dein allein seind/ vnd ich
nur ein dienerin über sie gesetzt byn/
so verleyhe mir dein götliche weyß-
heyt/ auff das ich sie regiere nach dei-
nem Befelch vnd wolgefelligem wil-
len/ Auch nit meinen nutz/ rhüm vnd
eere allein/ besunder einen gemeinen
nutz suche.

Nich auch meines gewalts vnd
hohen standts nit überhebe/ sunder
das ich für augen hab/ vnd betrachte

alle augenblick/ mein elende vnd sündige entpfengnuß vn̄ geburt/ Vnd ob ich wol in grossen stande/ dz ich doch nichts mer sey/ allein wie ein ander arm mensch/ Auch also auff die erdē kumē/ die vns alle gleich tregt/ vnd wie ich inn der gemein einen eingang in dise welt vnd elend gehabt/ das ich auch widerumb einen gleichen aufgang haben werde.

Herwiderumb verleyhe meinen vnderlassen vnd dienst verpflichten dienern/ ein vertraut/ kindtlichs/ vnderthenigs/ dienstlichs vnd demütiglichs gemütte/ damit sie sich widerumb alles billigen gehorsams gegen mir/ meinem lieben Herren vnd kindern erzeygen/ vnd verstehen mügen/ was sie vns thun/ das nit vns/ besunder dir vnserm hymlichē Vater/ des verwalter wir allein sind/ erzeygen/

Beweysen vnnnd wolgefallens daran
thun/ Durch welchs alles **Sehey**
liget werd dein name auch
gelobt vnnnd gepreyßt/ Welcher auch
durch mich/meinen herrn/kinder/vñ
alle vnderthan / mit wortten aber
wercken nym̄er geunheyliget werd.

Das geb mir/meinem lieben her-
ren/kindern vnd vnderthanen/auch
allem menschlichen geschlechte dein
heyligs wort/das das **Euangelium**
rechtgeschaffen durch die welt gepre-
digt werde/vnd durch den glauben
angenommen/in vns wircke vnd lebe/
auch von vns nit hynweg genum̄en
werde / aber entzogen/sunder gutte
frucht vñ besserung gebere/vñ durch
die krafft des heyligen geystes / Das
also **Zukum̄e** dein reych vnd
gehe vnder vns/vnnnd des Teuffels

reych nidergelegt werde / das er kein
reych oder gewalt vber vns habe / so
lang bis es endlich zerstört / die sünde /
todt vnd helle / auch vertilget werde /
das wir ewigklich leben in voller ge-
rechtigkeyt vnd seligkeyt.

O allmechtiger gerechter Gott /
heyliger Vater / weyl dan dein wort
vnd zusage gewis / vnd du mir / mei-
nem lieben Herren / kindern / landen
vnd leuten / dein heyligs wort / durch
warhaffte verkündung desselbigen /
gnediglichen geschanckt / vnd durch
deinen heyligē geyst / vns deinen glau-
ben eingepflanzt / des ich dir auß
grund meines hertzens / die höchste
vnd vnsterbliche dancksagung thu /
kindlich bittende / das du mich vnd
die meinen / auch bis ans endt behal-
ten wölft.

So byn ich doch gewis / vñ weyß

39
mich durch dein götlich wort zu erin-
nern/das dein heyligs Creütz/durch
verfolgung hie auff erden/nit allein
vom Teuffel/besunder auch der gan-
gen welt/Bevor inn vnsern letzten zü-
gē/durch gewaltige anfechtung des
Teuffels vnd fleyschs volgen wirdt
wie du mir dann solchs im Euan-
gelio anzeygen thust / das ein yeder so
sich dein jünger bekent / sein creütz auf
sich nemen soll vnd dir nachfolgen/
Weyl dann auch der jüngling vnd
schüler / über den meyster nicht sein
wirdt / so erkenn ich mein schwachs/
zweyffelhaftigs / sündigs fleysch / dz
es on dein götliche gnade gar nichts
kan vnd vermag.

Getröst mich aber auffss höchste/
deiner götlichen gnaden / auß welch-
er du mich in meiner mutter leyß ge-
schaffen / vñ ein gestalt gemacht hast /

vnd zur solchen zeyt darnach Balde/
auff das ich het dauonich also von
dir gemacht/ leben möcht/ vnd erne-
ret würd/hastu meiner mutter brüst
mit milch erfüllt/vñ hast mich in irer
schos wunderbarlicherhalten/vñ da
ich noch meiner mutter Brust narung
holet/ ganz väterlich vñnd gnedig-
lich erzogen/ auch wie elendich ge-
west/zu einem solchen menschen wie
ich byn gemacht/ vnd auß vilen fer-
ligkeyten/ trübsal/ angst/ not / mühe
vnd arbeyt/ nit allein geschützt/vñnd
geschirret / besunder auch endlichen
erhalten/erlöst/ vnd so sere auff mich
gesorget.

Derhalb / wiewol ich weyß wie
abgötterisch ich geboren/ inn sünden
entpfangen vnd erwachsen byn/ ye-
doch mich billich rühme/das du mein
Gott bist/vō meiner mutter leyb an/

Auff welchen ich/ auß deiner allein
lauter gnaden vnd Barmhertzigkeyt/
on all mein zuthun/ gleich geworffen
Syn/ Dañ du hast grosse ding an mir
gethan/ der du mechtig bist/ vnd des
name heylig ist/ Welchs Barmhertzig
keyt auch wehret ymmer für vñ für/
Bey denen die dich fürchten/ Denn du
hast gewalt geübet mit deinem arm/
vnd zerstreuet die da hoffertig seind
in jres hertzē syn/ Du hast die gewal-
tigen von dem stul gestossen/ vnd die
nidrigen erhaben/ Die hungrige ha-
stu mit güttern erfüllet/ vñ die reych-
en lehr gelassen/ Du hast der Barm-
hertzigkeyt gedacht/ vnd deinen kin-
dern Israel auffgeholfen/ Wie du
geredt hast vnsern vātern/ Abrahā
vnd seinem samen ewiglich/ Dar-
umb mein seele dich Herr erheben
thut/ vnd mein geyst erfrewet sich in

dir got mein̄ heyland/ Der du mein
nidrigkeyt vnd sündhafftige natur
angesehen hast / Darumb du denn
mein höchste zuuersicht bist/welchem
ich mich auch ganz vnd gar ergebe/
vnd Befelhe.

Derhalben auch all mein anligen
vnd sorge werff ich auff dich meinen
Herren/vnd Bitt/ das du mich ewig-
lich weyter versorgen wöllest/vñ nit
in vnfride lassen/ denn du sorgest für
mich auch/wie arm vñ elend ich byn/
so denckestu für mich/ Bist mein helf-
fer vnd erretter/ Vnd ob mich vatter
mutter /ja alle meine freunde vnd die
gantz welt verlassen wirdt/ich auch
von meniglich veracht/Bitt ich/ das
du Herr yetzund/auch vor vnd nach/
mich wöllest auffnemen/ Denn die-
weyl deine werck wunderbarlich
seind/ dir auch nichts verporgen ge-
west

west/ehe ich gemacht ward/vnd als
 les noch wissend/was in mir noch be-
 schehen soll/vnd du mein nieren inn
 geroalt hast/auch mein fleisch die an-
 fechtung der not des todts bereyt fü-
 len thut/vnd die angst/so ich an das
 sterben gedencke/bereyt verhanden/
 zubeforgen/das sie sich in letzten zügen
 noch mer vnd grösser machen vnd
 meren wird.

So bitt ich dich mein lieber Herr/
 güttiger Vater/mach dich nit ferne
 von mir/sterck/tröst/vnd durch dei-
 nen heyligen geyst enthalt mich/dañ
 es ist an dich kein helffer/damit ich
 auch deinen grossen namen erzelen
 müg meinen Brüdern/Vnd dich/der
 du nit verachtet hast das elend mei-
 ner armut/vnd dein angesicht nit vō
 mir birgest/dardurch ich dich in der
 gemein rhümen müge/das du mich

LE

elenden/der ich schreye/erhörest.

Bitt ich dich lieber Herr heyliger
Vater/ **Dein** will beschehe
wie im hymel also auch hie
auff erden vnd nit des Teuffels/
vnd vnser feyndt willen/noch alles
des/ so dein heyligs wort verfolgen/
vnd dempffen will/ oder dein reych
hyndern/Vnd gib vns/das wir alles
wz darüber zu leyden ist/ mit gedult
tragen vnd vberwinden/ auff das
vnser armes fleysch auß schwacheyt
oder tragheyt nit wancke oder ab-
falle / Besunder mein wille gantzlich
vnd gar/in vnd durch deinen willen
gedempfft werde/vnd ich mir deinen
willen wolgefallen lasse.

Auch lieber güttiger Vater/ weyl
du mich hast heysen bitten vmb das
tegliche brod/welchs nit allein ist das

34
Brod vnd Korn/ so ich teglich leyblich
essen vnd Backen laß/ besunder wölst
auch gebetten sein in gemein vmb al-
les/ so sollichem anhengig ist / Bevor
aber vmb das Brod der seelen.

So bitt ich dich starcker/ rathsa-
mer vnd warhafftiger Gott/ **Un-**
ser teglich brod gib vns lie-
ber Herr heüte/ vnd erstlich
das speyß Brod der seelen/ dein selbst
heylsames götlichs wort/ solchs auch
vns nicht entziehen wölst / besunder
durch deinen starcken rath/ heüßficht
vnnnd wolschefflich wachssen lassen/
Gutte Prediger / frumē christliche
Prelaten vñ herrn/ die solchs frucht-
barlich/ lauter/ reyn vnd klar/ on al-
len falschen zusatz vnnnd menschliche
verdunckelung / auch mit eintracht
des heyligen geysts/ sehen mögen/ vñ

selbst lieben. Sunderlich auch vn-
sern Keyser/alle Könige vnd Kön-
gin/ Fürsten/ Herren/ Oberherren/
Regierer vñ Communen/ auch mei-
ne Brüder vnd Schwester/ Bevor aber
auch vnser Könige/ Königin/ vnd
jungen herrschafften/ wölst mit der
seelen speyse/ deinem heyligen wort er-
leuchten/ auch sollichen allen vnd mir
meinem lieben herren vnd kindern/
Nachmals vnsern nach vns veror-
denten rethen/ auch der ganzen chri-
stenheyt/ dein götliche weyßheyt mit-
teylen/ auff das sie vnd wir alle/ frid-
lichen regieren/ vnd in fride geregirt
mögen werden/ damit wider Türck-
en vnd Tattern/ vnd alle feynde des
Christlichen namens vnd worttes zu
siegen.

Den vnderthanen vnd gemeinen
hauffen/ verleyhe gehorsam/ frid vñ

35
eintracht / gegen iren herrschafften/
auch vnder einander selbst fridsam
vnd eintrechtig zu leben/ Vnd wölft
vns allen nachmals weyter verley-
hen vnd geben das leybliche Brodes-
sen vnd trincken/ kleyder/ hauf/ hoff
vñ gesunden leyb/ darzu das gettrayd
im velde/ vnd die frucht wol wach-
sen vnd einbringen lassen.

Fürbaß daheim wol haufhal-
ten helfen/ ein frumien herrn/ kinder
vnd gesynde geben vnd erhalten/ vnd
vnser handarbeyt / auch rathschla-
gen vnd regiment/ vñ alles was wir
zuthun haben/ gedeyen vnd wol ge-
raten lassen/ Trewe nachpawren vñ
gutte freünde bescheren/ auch sie vnd
vns alle behüten vor allerley schaden
der seelen/ leybs vñnd narung/ Auch
für vngewitter/ hagel/ feüer/ wasser/
giff/ pestilentz / viehe sterben / krieg

vnd Blutuergiessen / theurer zeyt/
schedlichen thieren / vnd allen bösen
fellen vnd leüten / **Vnd verlaße**
vns vnser schuld / als wir
verlassen vnnsern schuldi-
gern / Den̄ mein lieber Vater / wie=
wol ich weyß / das du lang vor mei=
nem bitten / mir meine sünd vergeben
hast / Vnd auß dem / das du mir das
Euangelium / welliches eytel verge=
bung der sünden ist / gnediglich ge=
schanckt / ehe ich darumb gebeten /
oder yemals darnach gesunnen hab /
welche vergebung ich den̄ ganz wol
erkenne / sage dir auch den höchsten
danck.

Weyl ich aber weyß / mein / als ei=
nes menschen straucheln / vñ teglich
fallen / vnd das sich mein fleysch ym=
merdar vnd stettigs reget / mit bösen

36
lüsten vnd tücken/ derhalben ich teg-
lich mit wortten vnd wercken/ thun
vnd lassen/ sündige / dadurch denn
mein gewissen zu vnfride kumbt/ dar-
umb ich mich für deinem zorn fürcht/
Weyl mir dan vnmöglich ist/ on dein
gnad vnd teglichs vergeben/ auch on
dein hilff/ den sünden abzustehen.

So bitt ich dich lieber Herr/ gne-
diger Vater/ wölst mir einpflanzen/
das ich deiner vergebung nimmer
mer vergesse/ sunder mich stett vnd
fest daran erhalte/ Vnd wölst nit an-
sehen mein sünde/ vnd mir fürhalten
was ich teglichs verdiene/ sunder mit
gnaden gegen mir handeln/ vnd ver-
geben/ wie du denn verheysen hast/
vnd also ein fröliches/ vnuerzagtes
gewissen verleyhen/ für dir zustehen
vnd zu bitten.

Das du mir auch deinen geyst der

weyßheyt mittheylen wölst / damit ich
hie nit wider mich selbst bitte / weyl
du mir vergebung zugesagt / so ferne
ich meinem nechsten auch vergeben
würd / vnd aber meinem bösen fleisch
dem nechsten zuergeben / on deine
gnade auch vnmöglich.

Bitt ich dich / das du mir durch
deinen geyst der weyßheyt / verleyhen
wölst / das ich willigklich vnd gerne /
nit allein meinem nechsten / alles was
sie wider mich handeln vnd thun /
vergebe / sunder auch jnen diene / vnd
alles gutte für das böse erstatte / auff
das dein name gepreyßt / vñ die höch-
ste erkantnuß zu deiner eere beschehe.

Ach heyliger Vater / dir ist wis-
send / mit was maß inn disem jamer-
thal / vmb vnser leben gethan ist / also
ob wir heüte stehen / morgen wider
daruon fallen / durch vilfeltige ver-

suchung yetzunder des fleyschs / inn
welchem wir wonen / vnd den alten
Adam tragen / der sich regt / vnd vns
teglich reytzet zur faulheyt / fressen /
sauffen / geytz vnnnd deuscherey / den
nechsten zu triegen vnd zu übersetzen /
Vnd inn summa / allerley bösen lüsten
anzuhangen / so vns von natur an-
fleben / zum teyl auch durch ander
leüte / gesellschaft vnd exempel / in se-
hen vnd hören gereytzt werden.

Nachmals der welt / die vns mit
worten vnd wercken beleydigt / dar-
durch sie mich treybe zu zorn vnd vn-
gedult / inn welcher auch nichts an-
ders ist / denn haß vnd neyd / feindt-
schafft / gewalt vñ vnrecht / vntrew /
rechen / fluchen / schelten vnd affter-
reden / hoffart vñ stoltz / mit überflüs-
sigem schmuck / eere vnd rhum.

Zum letzten aber volget die höchst

versuchung des Teuffels / welcher
vns herzet / vnd allenthalben zublest /
vñ vnser gewissen treybt / wie er vns
einfüren möcht / das wir beyde / Got-
tes werck vnd wort in windt schlü-
gen vnd verachten / auff das er vns
vom glauben / hoffnung vnd der lieb
reyffe / vñ vns bringe zu misglauben /
falscher vermessenheyt vnd verstock-
ung / auch zur verzweiflung / Gottes
verlaugnen vnd lesterung / welchen
anfechtungen allen / wir arme men-
schen on dein gnad zu widerstehen
vnmüglich / Weyl wir aber in disem
elenden jamerthal / on eynicherley an-
fechtung nit sein können.

So bitt ich dich lieber Vater /
durch deiner zusage willen vnd ver-
heyssung willen / **Nicht einfüre**
vns in versuchung / auff dz
ich nit durch solche zurück vnd hyn-

38
neyn fallen/ darinn versincken/ auch
in solche nit bewilligen vnder auffse/
sunder lieber Vater/ weyl der höchste
Priester / heylandt vnd sündtrager
Jesus Christus dein lieber sun/ selbst
für vns/ wie Johannis am. xj. gnug-
sam vermeldt / das du mich bewaren
wölst für dem übel/ gebetten/ vñ das
du vns inn deiner warheyt heyligen
wölst/ vnd ausdrückt/ das dein wort
vnd zusag/ die warheyt sey/ auch sich
selbst/ auff das wir inn der warheyt
geheyliget werden/ geheyliget hat.

Weyl dan dein wort die warheyt
vnd du haben wilst/ das wir dich on
vnderlaß vnd auff hören bitten sollen
mit warhaffter zusag/ woz wir vmb
deines lieben suns willen bitten wer-
den/ das wir gewert vnd erhört sol-
len sein/ auch vns darumb deinen lie-
ben sun herab geschickt/ leyden/ ster-

ben vnd aufferstehen lassen/auff das
wir in dem glauben an inen/ auch vō
den sünden ersterben/vnnd endtlich
aufferstehen werden.

So bitt ich dich vmb Christi dei-
nes lieben suns willen/ vnd vmb das
theure blütuer giessen/leyden sterben/
vnd aufferstehung vnser heylands/
das du mir kein versuchung schaden
wölst lassen/ **Sunder erlöse**
vns von dem ybel/ auff das
ich des vnglücks alles lof werde/
Amen.

Vnd sunderlich O Herr Gott va-
ter im hymel/ O Herr Gott sun der
welt heylandt/ O Herr Gott heyli-
ger geyst/wölst vns gnedig sein/helf-
fen vnd vnser verschonen.

Auch lieber Herr Gott/wölst vns
für allen sünden/ für allem yr fall/ für

allem übel/ für des Teuffels trug vn̄
 list/ vor bösem schnellen todt/ vor Pe=
 stilentz vnd theurer zeyt/ vor krieg vn̄
 Blütuergiessen/ für auffrür vnd zwi=
 tracht / vor hagel vnd vngewitter/
 vor dem ewigen todt behütten/ Vnd
 durch dein heylige geburt/ durch dein
 todtkampff vnn̄d Blütigen schweyß/
 durch dein creuß vn̄ todt/ durch dein
 heylige aufferstehung/ inn vnser letz=
 ten stund/ Hilff vns lieber Herr Got.

Ach hymlicher Vater/ dz du dei=
 ne heylige Christliche kirche regieren
 wölst/ leyten vnn̄d führen/ Auch alle
 Bischoff/ Pfarherr vnd kirchen die=
 ner im heylsamen wort vn̄ heyligem
 leben behalten/ Allen rotten vnd er=
 gernussen weren/ Alle yrrigen vnn̄d
 verfürten widerbringen/ Den Sa=
 than vnder vnser füsse treten/ Treu
 arbeyter in dein erndte senden/ Dei

nen geyst vñ krafft zum wort geben/
Allen betrübten vnd blöden helfen
vnd trösten.

Allen Königen vnd Fürsten frid
vñ eintracht geben / Unserm Keyser
steten sieg wider die seynd der Chri-
stenheyt gūnnen / Meinen lieben ge-
mahel / mich meine kinder / auch alle
diser land Amptleüt vñ regierer / ley-
ten / schützen / vnd dein heylige weyß-
heyt mittheilen / Auch die gemein di-
ses ganzen landes segenen vñ Behüt-
ten.

Allen so in nott vnd fahr sind mit
hilff erscheynen / Allen schwangern
vnd seügerin fröliche frucht vnd ge-
deyhen geben / Aller kinder vñ fran-
cken pflegen vnd warten / Alle ver-
druckte gefangene laß vnd ledig laß-
sen / Alle witwen vnd wayssen vertey-
digen vnd versorgen / Aller menschen

40
dich erbarmen.

Vnsern feinden/verfolgern vnd lesterern vergeben vnd sie bekeren/ Die frucht auff dem landt geben vnd bewaren/ Vnd vns gnediglich erhören/ O Jesu Christ Gottes sun/ Erhör mich lieber Herre Gott / O du Gottes lamb/ welchs der welt sündetregt/ Erbarm dich über mich/vnnd verleyhe vns deinē stetten frid/ Amē.

O Herre handel nit mit vns nach vnsern sünden/ Vnd vergelte vns nit nach vnser missethat/ Denn wir haben gesündigtet mit vnsern vātern/vñ haben mishandelt vnnd sind gotlos gewesen.

Lazt vns betten.

O Herr allmechtiger Got/der du der elenden seuffzen nicht ver-



schmehest/ vnd der Betrübten hertzen
verlangen nit verachtest/ **S**ihe doch
an mein gebete/ welchs ich in meiner
not fürbringe/ vnd erhöere mich gne-
diglich/ das alles so beyde vom Teu-
fel vnd menschen wider mich strebet/
zu nichte/ vnd nach dem rath deiner
gütte zutrennet werde/ auff das ich
von aller anfechtung vnuerferet/ dir
in deiner gemeine dancke/ vñ dich all-
zeyt lobe.

O Herr Gott hymnlischer Vater/
der du nit lust hast an der armen sün-
der todt/ leyt sie auch nit gerne ver-
derben/ sunder wilst das sie bekeret
werden vñ leben/ **W**ir bitten dich
hertzlich/ du wöllest die woluerdien-
te straffe vnserer sünden gnediglich
abwenden/ vnd vns hynfort zu Bes-
sern / deine Barmhertzigkeyt mildig-
lich verleyhen.

O Herr

O Herr Got himlischer vater / du
weyffest / das wir so in mancher gros
ser fahr / vor menschlicher schwach
heyt nit bestehen mügē bleyben / Ver
leyhe vnns beyde an leyß vnnnd seele
krafft / das wir alles / so vns vmb vn
ser sünden willen quelet / durch deine
hilffe überwinden.

Allmechtiger ewiger Gott / der
du durch deinen heyligen geyst / die
gantz Christenheyt heyligest vnnnd
regierest / Erhöre vnser gebet / vnnnd
gib gnediglich / das sie mit allen iren
gelidern / in reynem glauben / durch
deine gnade dir diene / Vmb
Jesus Christus deines
suns / vnfers Her
ren willen /
Amen.


*

f


Ein gar leer hübsche be-
trachtung von der Treyeinigkeyt/
so der mensch am morgen auff-
stebet.

Ewiger lieblicher glantz/ du
aller reynester spiegel der chri-
stlichen anschawung / O du
aller durchleütteste stym/ Erleüchte
mich heüt vnd alle stund/ mit deiner
götlichen gnaden/ denn ich weys/ das
vō dir ist kumen alle seligkeyt/ barm-
herzigkeyt vnd gutheytt/ heyligkeyt/
gürtigkeyt vnd miltigkeyt/ O du al-
ler vnergründeste weysheytt/ du aller
heyligste mayestet des götlichē raths
vnd Treyeinigkeyt / Ich arme dein
vnerdiente bildnuß vnnnd sündliche
creatur / sage dir groß lob vnd danck/
das du mich vnwürdige die verfallen
sünderin/ dise nacht bewaret hast für

dem bösen feyndt/ Ich Bitte dich du
wöllest heut disen tag/ mein leben vñ
arbeyt also wenden vñ richten/ nach
deinem wolgefallen/ das ich den gan-
zen tag nichts anders thu vñ schaff/
denn das dir angenehme sey/ damit ich
in meiner arbeyt/ deiner grossen liebe/
die du zu vns hast gehabt/ vnd ich in
meiner arbeyt dester duldiger werde
In meiner anfechtung des fleysches
vnd der zeytlichen gütter/ damit ich
arme sünderin ganz vmbfangen bin
das du mein hertz wöllest also rich-
ten/ das ich disen tag vnd alle stundt/
deiner gutheyt nymmer mer verges-
se/ vñ ich mein vertrauen/ ganz setze
in deinen willen/ damit ich disen tag
nichts wircke / noch wircken müge/
den das deinem götlichen willen/ an-
genem vñ wolgefellig sey/ Das helffe
mir die heylig Treyeinigkeyt/ Amen.



Ein bekantnuß vnd gebet
so ein mensch zu Beth will geen / der
sprech also zu Christo.




O Herr Jesu Christe / ich bekenne
mich schuldig / das ich disen tag
layder nit zu deinem lob vnnnd eeren
verbracht hab / Byn dir nit danckbar
gewest / hab deinen todt vnnnd bitter
marter / nit recht zu hertzen gefasset /
Ach mein gnediger Herr / die **V.** vnd
dise **V.** greüliche sünd / hab ich heüt
wider deinen götlichen willen gethan
das vnd das hab ich versaumbt vnd
nit außgericht / hab mich nichts ge-
bessert / O du frumier güttiger heyl-
macher / verzeyhe es mir / durch dein
theuer adelichs blütuergiessen / Be-
war mich auch yetzund dise nacht /
für allen sünden vnd geferligkeyten /
laf mein hertz in dir rühen vñ wach



en/dich zu loben/ Ich Befelhe dir heit
vnd allzeyt/ leyb/ seel/ geyst/ eere/gut
vnd handel/vnd schaff mit mir nach
deinem wolgefallen/ Gib mir gedult
vnd gnade/ so es wider meinen ver-
kerthen willen gehet/ damit ich dis le-
ben einen jamerthal erkenne/vnd nur
müge seufftzen nach vnserm seligen
vaterlandt/ den todt frölich begern/
das ich dich im ewigen leben/mit al-
len auferwelten / müge bis an das
ende loben vnd glorificiren/Amen.
Das wöllestu gnediger Gott vnd
Vater mir verleyhen/durch das hey-
lige verdienst des leydens Jesu Chri-
sti/Amen.


Am vierdten buch Mosis
spricht Gott/ Also solt jr sagen
zu den kindern Israel/wenn
jr sie segnet.



Der Herr segne dich vnd behütte
dich / Der Herr erleuchte sein ange-
sicht vber dich / vnnnd sey dir gnedig /
Der Herr hebe sein angesicht auff
dich / vnd gebe dir frid / Amen.

So man das hochwirdig
Sacrament des leybs vnnnd bluts
Christi auffheben will / so er-
hebt ewer hertz gegem hy-
mel / vnd spricht dis
nachfolgend
gebet.

C Herr Jesu Christe / der du de-
nen leyb für mich arme sünd-
er / am creutz in den todt gegeben / vñ
dein Blut zur verzeyhung meiner sün-
de vergossen / vnd beyde / dein leyb vñ
Blut / in deinem heyligē letzten abent-
mal / zum gedechtnuß solcher grossen



wolthat eingesezt / vnd zur speyse vñ
trancck gelassen hast / Verleyhe mir
armen sünderin / das ich der frucht
vnd krafft deines vnschuldigen Bit-
tern todes / vnd theuren Blütuergies-
sens / nymmer mer vergesse vñnd be-
raubt werde / Vnd das mein ganz
leben / hynfür der eytel dancksagung /
gegen solcher grossen lieb vñnd wol-
that / befunden werde / Amen.

Ein Christliche vorbetrach-
tung vnd bekantnus in Gott / so
man will betten das heylige
Vater vnser.

Ewiger Gott / ich weys vñ be-
kenne / das ich ein armer grosser
sünder Byn / ich mercke vnd empfinde
in mir nichts denn Begird / lust vñnd
liebe zu zeytlichem gut / eere vnd wol-



F iiii

lust diser welt/zuneygung zu bosheit
vnd zu allem argen/kein lust/begird
noch lieb zu tugent oder gerechtigkeit
So ist mein hertz wild/vñ die gantz
natur durch die erste sünd in meiner
entpfeugnus in mutter leyß vergifft
vnd von meinen eltern auff mich ge-
erbet/das ich von mir selbst/kein gut-
ten gedancken anheben/vil weniger
verbringē/ noch kein gut werck thun
kan/so krank/so dürfftig/so elend/so
verwundt byn ich/ ja halb todt/das
auch das gutte werck das ich thu/
mir nit gut ist/sunder schedlich vñnd
verdamllich/du wöltest denn allein
auf deiner milten lautern barmhertz-
igkeyt/gar vmb sunst/on all mein
verdienst/zu gnaden annemen/denn
es ist kein werck gut/das du nit gut
machst/Es ist kein mēsch frum̄ noch
gerecht/denn der/den du frum̄ vñnd


gerecht machst/ Du bist allein frunt
 gerecht vnd heylig/ on alle sünd/vol-
 ler gnaden vn̄ aller tugend/ empfan-
 gen vnd geboren/ Wir sind aller sünd
 vnd bosheyt vol/ auch hat niemand
 kein tugend noch gerechtigkeit/ denn
 der/ dem du dein heyligkeit/ dein ge-
 rechtigkeit gibest vnd mitteylest/
 Darumb kumb ich zu dir mein erlö-
 ser/ vnd falle nider auff meine knye/
 rüsse/ schrey vnd demütiglichen bit-
 te/ dein götliche gnad/hilff vnd bey-
 stand/ den ich weyß wol/ das du dar-
 umb bist mensch in die welt geboren/
 das ich widerumb auß Gott geboren
 vnd ein sun Gottes würde/ darumb
 mustu mir mein sünd nemen/ vn̄ dein
 gerechtigkeit mir geben/ du bist allein
 darumb frant vnd schwach/ ein
 schecher vnd ein sündler/ ein narr vnd
 thor geacht worden/ das ich gesund/

f v

gewaltig/ heylig/ klug vñnd gerecht
würde/ vñd zu letzt für mich gestor=
ben/auff das ich ewigklich lebte/ Des
tröste ich mich/darein setz ich all mei=
ne hoffnung vñd höchsten vertrau=
en/denn deine gerechtigkeit ist mein/
dein tugent ist mein/ dein heyligkeit
ist mein/ dein stercke vñd gewalt ist
mein/vñd alle mein sünde seind dein/
in der hoffnung/in dem trost vñ ver=
trawen tret ich zu dir/darinn wil ich
leben/darinn will ich sterben/es gehe
mir wie es wölle.

Darumb bitt ich dich mein edler
Gott/gib mir dein gnad/das ich dich
lieb gewinne / vñd nichts denn dich/
dein tugent vñ gerechtigkeit begere/
vñd darnach ein hertzlich verlangen
hab/Als denn werd ich auß art/vñd
von natur der lieb/meinem alten le=
ben vñd der sünden/seyndt vñ hessig

46
werden/ rew vnnnd leyd darüber ge-
winnen/ vnnnd mich fürder für allen
sünden Behütten / Gib mir auch die
gnad/das ich dein heyligs leyden/ vñ
dein bittern todt also gedencck/das ich
in mir empfind vnd mercke/ das alle
böse lust vnd begird vberwinde/ vñ
jn also widerstehe/das sie mich nit ge-
fangen nemen/noch in mir gewaltig-
klich regieren. Hilff mir ewiger Got
das ich alle widerwertigkeyt / peyn
vnd schmerzen/ armut vnd franck-
heyt/schand oder vneer/auch den tod
williglichen vnnnd gedultiglichen
vmb deinet willen leyden müge/vnd
nicht allein gedultiglich/sunder mit
freüden/ vnd alles wie es mir vnder
augen vnnnd widerfert / frölich mag
annemen/ auff das ich mit warheyt
sprechen müge/ Herr ich will gerne
mit freüden sterben / wenn vnd wie



du wilt/ Vnd ich wil den todt/er sey
wie schnell/wie böß er sey/ wie ferlich
er wöl/so will ich in nit fliehen/ nit
fö:chten/auch kein grauen noch kein
schreckē dauor haben/allein dein göt-
lich wil geschehe/ was dein eere vnd
glori ist.

Doctor Caspar Buttels offen Beycht.

ICh armer sündiger mensch/Be-
kenne Gott meinem schöpffer/
erlöser vñ seligmacher/ das ich mein
lebenlang/keinen rechten starcken ey-
nigen glauben zu Christo Jesu ge-
habt hab / auch kein rechte brüder-
liche lieb gegen meinem nechsten chri-
sten menschen getragē hab/mer auff
gebet vnd menschen lere/meinen selbst
verstandt/ gut/eere vnd vermügen/

denn auff götliche wort mich geflis-
sen/dardurch ich götlich gepot üppig
klich vnd strefflich übertreten vnnnd
verlegt hab/ Derhalb Got/noch mei-
nen nechsten geliebt/sunder mer Got
geuneeret/geschendt vnnnd gelestert/
meinen nechsten genyden/ gehast/ Be-
schedigt vñ veracht hab/ Wie solchs
mein ganz strefflich/ verkert/vnchri-
stlich leben/mein Gott wölt straffen
am ernsten tag der gerechtigkeit/
Kum̄ ich armer grosser sündler zu-
vor in der zeyt der gnaden/ lege heüt
all meine sünd auff dein altar vnnnd
höchsten Priester / meinen sündtra-
ger Jesum Christum selbst/vnd auff
sein heyligs fron creütz/Bitt also sein
götlich gnad/Gnad mir mein Gott/
schick mein leben/sterben vnd au sfer-
stehung in gnad/nach deinem götlich
en willen/Amen.

Etlich christlich ermanun- gen vnd Betrachtungen.

Der mensch muß an allen seinen wercken verzagen/ vñnd allein hangen an dem verdienst/ an der arbeit/ gnad vnd barmherzigkeyt/ die Gott der Vater vns allen in Christo geben hat/ Vnd muß festiglich glauben/ das solchs alles/ on alle seine verdienst/ auß lauter gnaden sein sey/ Wiewol nun diß ein rechter glaub/ vnd an jm selbst so mechtig ist/ das er keines wercks bedarff/ so will er doch die werck anderßwo/ Gott vñ seinem nechsten zu eeren vñ guttem gebrauch. Denn fahet ein solch christlich mensch an/ Got seinen schöpffer/ wie ein kindt seinen vater/ hertzlich zu lieben/ vnd nit als ein knecht seinen herren zu fürchten/ Diu weyl Christus in



dise welt kumen ist/ nit darumb das
er die welt verurteylen wöl/ das ist/
das er ein strenger ernstlicher richter
sey/sunder als ein süßer seligmacher/
das die welt durch in geseliget vñ be-
halten werd / Denn kan der mensch
nit feyren/ nach dem er der wolthat
durch Christum von Gott empfan-
gen/ gewis ist/ vnd will auß rechter
lieb/vnd solchen empfangen woltha-
ten/nit anders dan wolthun/fordern
vnd lieben seinen nechsten/ Vnd das
seind die frucht/zeügnus vnd erkund
eines rechten glaubens/ vnd als denn
seheth Gott an/ vnnnd bessert das alles
durch versuchung vnd anfechtung/
dardurch der mensch ye mer vñ mer
zu nimbt im glauben vnd der liebe/
das im Gott so hertzlich lieb wirdt/
das er nichts mer fürchtet / Daher
wechset denn die hoffnung/die da ge-


wis ist/das sie Gott nit lassen wird.

Christliche gebet oder Betrachtungen.

Gütlicher barmherziger Gott
erlöse vns von der sünd des vn-
glaubens vnd misstrawens/mereinn
vns den rechten glauben vnnnd ver-
trawen / dir allein festiglich anzu-
hangen / gib vns die warhafften ge-
rechtigkeyt / straff vns o Herr nit inn
deinem zorn / vnd gehe mit vns nit in
dein gericht / Amen.

O Gott / der du hast zugesagt al-
len den die dich mit einem rechtē glau-
ben bitten / alles das mit zu teylen das
sie bitten / Wir flehen vnd schreyen zu
dir / gib vns dein götlich lieb vñ forcht
Gib vns ein rechte warhaffte eer er-
bietung deines götlichen namens /


Verleyhe



Verleyhe vns gedult in allen vnsern
verfolgungen/des leybs/guts/ vñ der
reeren/ Gib vns die rechte Mess deins
heyligen newen Testaments/das re-
chte warhaffte gebet/ Teyl vns mit
ein rechten gehorsam/ die miltigkeyt/
güttigkeyt/ Barmherzigkeyt/ keusch-
heyt/ armut des geysts/ein rechte des-
mut/vnd verlaugnuß sein selbst/ vnd
die warheyt/ Gib vns einen rechten
verstandt deines gölichen willens vñ
worts/ Gib vns frumie Prediger vñ
Prelaten/O Herr du ewiger beschüt-
zer vnd beschirmer/ sihe vns an mit
den augen deiner gölichen Barmher-
zigkeyt/ vñnd erbarm dich über vns
vnd erhör vns/Amen.

Ein anders.


ACh ewiger Gott/ ich bekenn es/
ich klag dirs auch herzlich/das



ich ein armer elender vnnnd sündiger
Kotsack byn/ Ich weysß aber/ das du
mein Gott/ mein Herr vnd mein er-
löser bist/ich weysß vnd glaubs festig-
klich/das dein eingeborner sun Jesus
Christus mein seligmacher ist/ vnnnd
das er die sünd/welt/ Teuffel vñ hell
vberwunden hat/ des allein vertröste
ich mich/darauff bau ich on zweyfa-
fenlich/darauff steet all mein hoffen/
darinn will ich mich finden lassen/al-
lein sey mir gnedig/ wie mir/ deinem
warhafften zusagen nach/ gar nicht
zweyffelt/dann du bist die warheyt
selbst/die nymmer mer selet/Amen.

Gebet vnd betrachtung in widerwertigkeyten.

O Barmhertziger Gott/ wir bit-
ten dich / du wöllest vnns dein

A decorative border surrounds the text, featuring various flowers such as blue and red pansies, a red strawberry, and green leaves. Small birds are also depicted flying within the border.


götlich gnad verleyhen/ dir inn allen
dingen festiglich zuuertrauen/ vnd
dich/ es gehe vns wol oder übel/ zu lo-
ben/ zu liebē vñ zu eeren/ dir sey danck
vnd lob in ewigkeyt/ dein will gesche-
he in hymeln vnd auff erden/ dein vr-
teyl seind gerecht/ wir seind arme sün-
dige creaturen/ Dein name sey gebe-
nedeyet in ewigkeyt/ Amen.

Wir haben anfechtung am leyb/
am gut/ an den eeren/ am gewis-
sen oder der seelen/ von den menschen/
von vnserm aygen fleysch/ vonn der
welt/ von sünden oder vom Teuffel/
so sollen wir vns allein auff Gott
steüren vnd bawen/ vnd in vmb sein
götliche gnad bitten/ vñnd sprechen/
Gott ist mein helffer vñ erlöser/ auff
den verlaß ich mich allein/ Den/ wen
Gott vnser Herr vnd seligmacher/

G ij

Bey/mit vnd neben vns ist/ wer mag
wider vns sein / dann Gott können
wir nichts liebers vnd annemlichers
erzeygen/dann in in zu glauben vnd
zu vertrauen/vñ es on zweyffel da-
für achten/ er werd vns halten/was
er vns zugesagt hat/ vñ das vns sol-
liche anfechtungen nit schaden wer-
den/weyl er vnser seligmacher ist/di-
ser glaub macht vns selig/dañ nichts
seligt vns/dann das glauben vñ ver-
trauen inn Gott/nichts verdambt
vns/dañ der vnglaub vnd mistrav
in in.

**So der mensch das heylig
Sacrament des Fronleychnams
Christi empfecht/mag er al-
so gedencken.**




AWiger barmhertziger Gott/
ich armer sündler kum̄ zu dir/
zu holen gnad / heyl/ gesundt-
heyt vñ seligkēyt/ dan̄ ich weys̄ mich
der/ bey keiner creatur weder in hy-
mel noch auff erden zuerholen/ dar-
umb bitt ich dich durch dein götliche
zusagung/ du wöllest mich/ dz werck
deiner hend gnedigklich annemen/
Verleyhe vns was du heyssest/ vñnd
gib vns das du gebestest/ Amen.

Ein gebet von allen heyligen.

Gütziger Got/ wir sagen dir
danc̄/ für alle gnaden/ tugend
vñ gaben/ die du allen deinen
heyligen vñd auferwelten/ von an-
fang der welt bis her verliehen hast/
Wir bitten dich demütigklich / du

G iij





wollest vns gleicher weyß/ dein götliche
gnad mitteylen/ durch die fuff-
stapffen vnnnd vorbild ires starcken
glaubens/ vnd festen vertrawens in
dich/ auch also in vnserm leben vnnnd
sterben zuerfaren vnnnd zu handeln/
Durch Christum vnseren Herren/
Amen.

Ein gebet des heyligen Pauli/ vmb götliche krafft vnd stercke.

Der dir Herr almechtiger gü-
tiger Got/der du bist ein Va-
ter vnseres Herren Jesu Chri-
sti/vnd von welchem alle sypschafft
in hymel vñ auff erden genēnet wirt/
Biegen wir armen vnserer knye/ vnd
mit ganzem fleyß bitten/das du vns
nach dem reychtumb deiner herrlig-

Keyt gebest/ das mir mit gewaltiger
krafft gesterckt werden / durch dei-
nen heyligen geyst/ zu dem innerlich-
en mensche/ das Jesus Christus wo-
ne durch den glauben in vnsern hertzen
en/ das wir in der liebe eingewurtzelt
sein vñ gegründet/ das wir möchten
begreyffen mit allen heyligen/ welch-
es sey die lenge vnd breyte/ die tieffe
vnd die höhe/ möchten auch erkennen
die liebe Christi/ die sunst alles erkent-
nuß vbertrifft/ vnd also erfüllet wer-
den zu aller fülle Gottes/ Amen.

Für alle menschen / so sich
Gott dem Herren/ mit anderer
gebet Befolhen haben/


Du barmhertziger vñnd ge-
trewer hoher Priester/ in al-
lem dem / das bey Gott ye-

G iiii



mand zu thun hat/ nach dem du ein
ewigs Priesterthumb hast/ vnd ver-
magst ganz auß zu bereyten/ vnd se-
lig zumachen/ die durch dich zu Gott
handeln vnd gehen/ Herr Jesu Chri-
ste/ dieweyl sich ein betrübt person/
welcher namen/ hertz/ anligende not/
jammer/ schwacheyt/ krankheyt vnd
begird / du am aller besten kennest/
mir befolhen hat/ dich für sie zubitten
vnd ich selber nichts taug noch byn/
noch für mein aygene sünd / weder
mundt noch augen auffzuthun ver-
mag/ darzu nit weyß/ was ich bitten
soll/ So tritt ich doch nahe zu dir/ in
zuuersicht deiner grossen güte/ vnd
das du ein thron bist der gnaden got-
tes/ auff das wir armen sündler/ vns
erlangen gnad vñ barmhertzigkeyt/
Vnd neben mir beselhe ich inn dein
ampt vnd hohen Priesterthumb die

person/so mir für sie zu bitten auffser-
legt hat/ Vnd mit vnd neben jr bitt
ich/Hilff du lieber Herr Jesu Christ
das es in deinem namen geschehe/für
alle gebrechen derselben person / das
du sie nach deinem willen zum besten
wöllest wenden/sie inn iren ängsten
vnd trübsalen trösten/ in der ansech-
tung stercken/in der not nit verlassen/
in der vnwissenheit lernē/ im yrtumb
auffnemen vñ nit fallen lassen/in der
sünden ein ärzney/durch die bespren-
gung deins heyligen bluts geben/vnd
sie heyligen/inn dem todt lebendig
machen/denn du bist das leben vnd
die warheytt/im gefencknuß vnd al-
len andern verfolgungen/franckheytt
vnd creützen/sie schützen vnd handt-
haben/zum ewigen preys vnd danck
sagung der gütte deines hymlichen
Vaters/Mit welchem dir in eynig-



Keyt des heyligen geystes / sey vñ bleib
das reych vnd alle herrschafft / von
an in alle ewige zeyt / Amen.

Vor dem beschluß des gebets.

Ihr Jesu Christe / das wöl-
lestu vns allen erwerben bey
deinem hymlichen Vater / vñ
wöllest vns allen aufsteylen / bekress-
tigen vnd erheben im heyligen geyst /
vnd im waren lebendigen glauben
des newen widergebornen hertzen /
Amen.

Der beschluß.

Ald bekressrige nun dises O
Barmhertziger Gott / das du
in vns allen angefangen hast
zu wircken / vñ deinem heyligen

Tempel/ der im hymnlichen Jerusa-
lem ist/ Jesus Christus vnser eyniger
hoher Priester/ mitler/ altar/ epffer
vñ gnugthuung für alle vnser sünd
von ewigkeyt zu ewigkeyt/ Amen.

Dancksagung in hoffnung ferner tröstung.

Ach grosser Barmhertziger
warhafftiger Got vñ vater/
Ich sehe vnd erfar / das ich vor lang/
durch dein heyligs wort/ gehört hab/
nemlich das du nahend bey denen/ so
dich in jren nöten vnd ansechtungen/
trewlich vnd kindlich anrüssen/ vnd
sie nit verlest / sunder gibst in krafft/
das sie jr kreutz ertragen mügen/ vñ
machests jnen zu gleych schwer/ vnd
doch treglich/ bis das du sie gnug pro-
biert/ gedemütigt/ vnd zu dir gezogen




hast/sie darnach gnediglich zuerlö-
sen/vnd zu erfrewen/ Auff das du vñ
inen hertzlich gelobt vñ gepreyßt wer-
dest/vnd das sie vortan in keinen nö-
ten an deiner gütte zweyffeln/sunder
starck werden im glauben vnd hoff-
nung / Vor solchs dein werck / so du
aller liebster Gott/auch ann mir ar-
men sünderin angefangen hast/ sag
ich dir durch deinen einigen Sun Je-
sum Christum vnsern Herrn/ lob vñ
dancck one auffhören/vnnd bitt dich/
als den eynigen nott helffer vnd trö-
ster/im namē deins allerliebsten suns
Jesu Christi/vnnd vmb deiner war-
heit vnd ehre willen/ du wöllest mei-
ne schwachheit weytter stercken vnnd
erhalten/bis zu endlicher erlösung vñ
erfrewung/Auff das ich dich meinen
Got vñ Herrn/ mit allen glaubigē in
ewigkeit lobē vñ preisen müg/Amen.

Las mich allenthalbē genießen
gegen dir / deines lieben suns Je-
su Christi meins Herrn vnnnd Hey-
lands / Amen. Wehre allem vbel /
vnd forder alles gutt / nach art deiner
götlichen gütte / vnnnd grossen Barm-
herzigkeit / Im namen durch Chri-
stum vnsern Herren.

Ein gepet des morgens zu peten.

Ich dancke dir mein hymnlischer
vatter / durch Jesum Christ dei-
nen liebenn Sun / das du mich diese
nacht / für allem schaden vnd fahr be-
hütt hast / Vnd bitte dich / du wöllest
mich disen tag auch behüten / vor sün-
den vnd allem vbel / das dir all mein
thun vnnnd leben gefalle / dann ich be-
silhe mich / mein leyß vnd seele / vnd al-





Ies in deine hende / dein heyliger Engel sey mit mir / das der Böse feyndt / keine macht an mir finde / Amen.

Des abendts segne dich mit dem heyligen creutz vnnnd sprich. Des wald Gott / Vater / Sun / heyliger Geyst / Amen.

Darauff sprich diß Betlein

Ich dancke dir mein hymlich vater / durch Jesum Christ / deinen lieben sun / Das du mich disen tag gnediglich behütt hast / vñ bitte dich / du wöllest mir vergebenn alle meine sünde / wo ich vnrecht gethan hab / vnd mich dise nacht gnediglich behütten / Denn ich besilhe mich / mein leyb vnd seele / vnd alles in de ne hende / dein heyliger Engel sey mit mir / das der Böse feindt keine macht an mir finde / Amen.



Ein gepet zu nutz den Schwangeren Frauen.

OAllmechtiger ewiger Gott / vnd
Barmhertziger vater / ein schöpfer
aller dinge / der du gnediglichen
gesegnet hast / Man vnd Weyß / vnd
gesagt / Seyd fruchtbar vnnnd meret
euch / auch hastu der frauē ein creütze
aufferlegt / das sie vil künernuß ha-
ben sol wenn sie schwanger geht / vnd
sol inn schmerzen geberē / das creütze
hastu geheiligt durch deinen lieben
Sun vnsern herrn / der vns von dem
fluch vnd sünden erlöset hat / Wir bi-
ten dich güttiger vater / herr vñ Got /
du wöllest die frucht meines leybes /
dein eygen werck / erhalten vnnnd be-
waren / vnnnd vnter dem creütze im
schmerzen meiner geburt / nicht ver-
derben lassenn / sondern gnediglich



vnd mit friden entbinden/ Durch Je-
sum Christum vnsern Herrn/ Amen.

Gemein pitt vmb Gottes
forcht vnd narung des glaubens.

Der cxxviii. Psalm.

GIB mir lieber Herr/ das ich dich
alleyn fürchte/ vnd gehe auff dei-
nen wegen/ das mir wol sey/ vnd das
du mich/ vnd alles das mein segnest/
durch vnser hend arbeyt/ mich neresst/
mich fruchtbar machest/ wie ein fru-
chtbarn weynstock/ der die wende er-
füllet/ vnser e kinder gezogen/ vnd gü-
tig/ wie die ölzweyge/ O Herre segne
vns an leyß vñ seele/ auß Zyon deiner
heyligen woung/ das wir vnser lebē
lang/ yñser dar sehen das glück vñ
auffnemen Jerusalem/ Nemlich/ das
dein glaubig volck/ jm glauben dei-
nes worts gestercket/ allen seinen feyn-
den ob



den obsiege / das wir auch sehen vil
kinder des glaubens / vnnnd frid vber
Israel / Amen.


Ein gepet vor der Predig.

Gallmechtiger ewiger Got / vnd
Barmhertziger gütlicher vatter /
Nach dem alle vnser heyl darin ste-
het / das wir einen rechten verstandt
habē deines worts / So verleyhe vns
allen / das vnser hertze / gefreyet von
weltlichen geschestē / mit allem fleiß
im glauben / dein heyliges wort höre
vnd fasse / damit wir deinen gnedigen
willen recht erkennen / lieben / vnd mit
allem ernst nachuolgen / dir zu liebe
vnd eeren / durch Jesum Christū vn-
sern Herrn / erlöser vn̄ heyland / Amē.

Ein beschluß nach der Predig.



5


A decorative border surrounds the text block. On the left side, there are large red and blue flowers, a yellow-orange flower, and a blue flower. At the bottom, there is a red strawberry, a colorful bird, a white dog, a blue flower, and a red flower. The background of the border is green with leafy vines.

Almechtiger barmhertziger Gott
vnd vater / Der du vns durch
deinen Sun zugesagt hast / was wir
dich bitten in seinem namen / das wil
tu vns geweren / vnd darzu auch hast
Befolhenn durch deinen geyst / für die
Oberkeyt / vnd für alle menschen zu
bitten / So bitten wir dich von hertzen
en / durch Jesum Christū deinen ge
liebsten sun vnsern heilandt / Du wöl
lest die hertzen vnser Herr des Ke
sers / aller Fürsten / vnd Fürsten Ke
then / auch vnser Landsfürsten / vnd
diser Stat oberkeyt vnd Regenten /
mit erkentnuß deines heyligen Euan
gelij erleuchten / Auff das sie vnd alle
gewaltigen / dich für iren obersten vñ
rechten Herrn erkennē / dir mit forcht
vnd zittern dienen / vns die wir deiner
hende werck sind / vnd schefflein dei
ner weyde / nach deinem willen vnd

wolgefallen schutzen vnd regieren/
vnd allen menschen allenthalben wöl
lest verleyhē / zum erkentnis der war
heyt zu kumen / sunderlich diser gemei
ne / die wir in deinem namen versamb
let sind / sende deinen heyligen geyst /
den meyster vnd leter / welcher dein
gesetze in vnser hertzen schreibe / vnser
blindheyt wegneme / vnd vns vnser
sünd zu erkennen gebe / denen sunst ire
schande vnd schndigkeyt unbekannt
ist / vnd ist leider todt / O Herr mache
sie lebendig / vnd erleuchte vnser au
gen / das wir die warheyt sehen / vnd
warhafftig erkennen mügen / den in
vns nichts ist den lauter sünde / todt /
helle / vñ der woluerdiente zorn Got
tes / vñ also zu dem reichen Brunne
deiner gnaden vnd gütte / hunger vñ
durst gewinnen / vnd die mit dancke
annemen / welche du vnns durch dei

nengeborenen Sun hast zugestellet/
welcher ein mensch/vnd vns gleych=
förmig worden/on sünde geliden/ge=
storben vnd auffgestanden ist / auff
das er vns vō sünden/tod/ teuffel vñ
helle errette/vñ zu der auffstehung
zum erbtreyl des reychs Gottes brech=
te/Wir bitten dich O Herr vñ vater/
vernewe vns im geyst vnfers gemüt=
tes / Bekleyde vns mit dem newenn
mensch/der nach deinem willen ge=
schaffen ist/inn warer gerechtigkeit
vñ heiligkeit/Bestettige vnfern glau=
ben/liebe vnd hoffnung/ Vñ gib vns
gnade zu bitten/wie vns Christus vn=
ser leremeyster befolhen hat/vnd von
hertzen zu sprechen/O vnser vater im
hymel ꝛc.

**Eine Beychte oder be=
kentnuß.**



Hymelischer vater ewiger got /
du weyffest das ich ein grosser
sünder bynn / grösser denn ich erzele
kan / nach dem du ein forser der her
zen vnd nyren bist / Vnd allest weist /
was ich von meiner jugent auff / mit
meinen sündigen gedancenn / geber
den / Worten vnd wercken / inn allem
meinem wesen begangen vnd gethan
habe / Welchs alles für dir als ein vn
saubers bluttiges tuch vnreyne / mit
schweren sünden behafft vn beschmi
ret / denn ich hab gesündigt vn bos
heyt geübet / Darumb thu ich kundt /
meine sünde / vnd bedecke meine misse
that nit / sunder bekenne dir meinem
Herrn / alle meine vbertrettung wi
der mich / Vñ bitt dich / wende deinen
zorn vnd grim von mir / vnd wasche
mich von meiner missethat / vnd rey
nige mich von meinen sünden / O Her

H iij



reich kum̄ nit in meiner gerechtigkeit/
ein solches vonn dir zu bitten/ sunder
ich kum̄e in deinen götlichen zusagen/
so du vns vnd vnsern veter allezeyt
versprochen hast / sunderlich bitte ich
dich/durch deinen allerliebste[n] sun/
vnsern herren Jesum Christum/ der
vns warhafftig hat zugesagt / Was
wir dich bitten in seinem namen/das
wiltu vns geben/darauff vater aller
Barmhertzigkeit bitte ich dich / gehe
nit ins gericht mit deinem knechte/
den̄ für dir wirt kein lebendiger recht
fertig sein / O herr erhöre meine bitt/
vnd vernym mein ruffen/ vnd vmb
deines worts willenn/ erbarme dich
meiner nach deiner güte / vnd tilge
meine sünde nach deiner grosse[n] Barm
hertzigkeyt/nicht bitte ich deine Barm
hertzigkeit vber das kleine/damit du
dich zeytlich vber die erbarmest/sun

der nach deiner grossen Barmhertzig-
keyt / damit du dich vber der seelen
not erbarmest / darumb so Herr / vmb
deines namens willen / wirst du dich
erbarmen vber meine sünde / vnd mir
alle meine missethat vnd schulde / gne-
diglich vergebē / durch Jesum Chri-
stum deinen sun vnsern Herrn / erlöser
vnd heylandt / der mit dir lebet vnd
regiret in ewigkeyt / Amen.

Ein gepet / So der mensch
zum hochwirdigem Sacrament
gehen will.

Allmechtiger ewiger Barmher-
ziger Gott / ich armer elender /
Bin beruffen vnd geladen worden / zu
deinem hohen kostreichen abentmal /
In welchem du deinen eygenen leyb /
dein heyliges blut / mir vñ allen glau-
bigenn zu einer speyse / vnd zu einem

¶ iij



tranc̃/hast gnedigklich bereitet/nun
bekenne ich mich warlich für einen ar
men sünd̃er/der ich auch der wenig
sten gnade vnwürdig byn/ Ich glau
be aber on allen zweiffel/das du allei
ne deinen leib vnd blut für vns gege
ben/mir mittheilest als ein starck zeich
en/deiner warhafftigen zusage / als
du dem sünd̃er gelobet hast/der sich
erkennet/vnd seinen vertrauen allei
ne zu dir stellet / seine sünde gnedig
klich zuuergeben / Vnd glaube festig
klich/on allen yrthum̃/das der leyb/
den ich nun empfangē/ist der leyb der
für mich hin gegebenē wirt in den tod/
Vnd das blut ist für meine sünde ver
gossen worden / Ich weiß auch wol/
das ich dazu vnbereyt/vnd nicht wür
dig bynn / das du gehest vnter mein
dach / Dieweyl ich aber nit vermag
noch verhoffe vomn meinen sünden/

durch meine eigene reue/Beichte vnd
Busse/auch durch keiner Creatur hül
ffe oder macht gereiniget werden vn̄
bereyt/So glaube ich vnd begere vō
ganzem hertzen / vōnn dir entlediget
vnd gereiniget werden/In der zuuer
sicht/will ich auff deinen götlichen be
felch vnd zusage zu dir künien/vnnd
dich empfabē/das ich bey dir alleine/
meiner armen elenden betrüßten Con
scientien/rechtfertigkeit/trost vnd ru
he möge finden/das du in mir bleiben
mügest/vnd ich in dir/Ich habe auch
keinen zweiffel vnnd sorge/das deine
kressstige wort warhafftig an mir ar
men sūnder erfüllet sollenn werden/
Amen.

Ein ander schön gepet/das
man mit warhafftigem glauben im
hertzen bedencken vnnd sprechen soll/


h v

wen man zu gottes tische gehet.

D. Mart. Luth.

Herr/was ist das/das ich nicht
wirdig bin/das du gehest vnter
mein dach // so byn ich doch notdürff
tig deiner hülffe/vnnd begirig deiner
gnaden/das ich müge selig vnd frum
werden/nun kumē ich in keiner ander
zuerficht / denn das ich deine süsse
wort gehört habe / damit du mich zu
disem tische ladest/vnd sagest mir vn
wirdigem zu/ Ich soll vergebung der
sünden haben/durch deinen leib vnnd
Blut/so ich esse vnnd trincke inn disem
Sacrament/O lieber herr/ ich weiß
das deine götliche zusage vnd wort
warhafftig sind / da zweyffel ich
nicht an / Vnd darauff esse ich vnnd
trincke mit dir / mir geschehe nach de
nen worten/Amen.






Wenn du das Sacrament
empfangenn hast / so falle nider auff
deine Knie / vnd Bedencke dise wort inn
deinem hertzen.

O Herr vereynige mich mit dir
durch deine zusage / vnd wircke
in mir alle gutte werck / vnd bleib inn
solcher weyse mit mir / auff das ich
ewigklich bleibe in dir / Amen.

Ein gemeine dancksagung
nach dē sacrament. D Mart Luth.

Wir danckenn dir Almechtiger
Herr Got / das du vnns durch
dise heilsame gabe hast erquicket / vñ
bitten deine Barmhertzigkeyt / das du
vnns solchs gedeyē lassest / zu starckem
glauben gegen dir / vnd zu brünstiger
liebe vnter vnns allē / durch Jesus Chri
stus vnfers Herrn willen / Amen.



Darnach sprich.

Ich dancke dir o du edler Jesu/
das du mich zu diser frummen spei-
se beruffen hast/ Ich dancke dir vonn
ganzem hertzen/das du mir beschey-
denheyt vnd andacht dazu gegeben
hast/ Ich dancke deiner gnaden/das
du mich mit glauben vñ liebe erleuch-
tet hast/Vñ mich mit dir selbs gespei-
set/vnd mit deinem blutte getrencket/
vnd mich mit deiner klaren Gotheit
erfüllet vñ vmbgeben hast / O du
lieber Jesu/bleyb bey mir / den ich er-
gebe mich dir/vnd verlasse mich auff
dich/das ich ewig sey in dir.

Ein ander gepet.

Globet | sey Gott vnser vatter/
der vns würdig geschätzt hatt/
zu disem reichthumb seiner gnadenn
vnd seligen speyse/zukummen/Wir bit.




ten dich vater / du wöllest deinen heyligen geist / in vns wachsen vnd zunemen lassen / durch Jesum Christum vnsern Herrn deinen liebens sun / der mit dir lebet vnd regiret in eynigkeyt des heyligen geystes / nun vnd zu ewigen zeyten / Amen.

Ein Geket wider das wüthen / vnd toben des teuffels / vnd aller tyranney.

Mein allerliebster herr vn̄ heylant Jesu Christe / Der du alleine mit deiner götlichen krafft / zutretten hast den kopff der schlangen / vnd alleine gewaltig zubrochen vnd zurissen hast / das reich des Teuffels / Wir bitten du wöllest vnns armen schwachen klein glaubigē / wider den listen / anlauff des bösen geystes / vnd





seinem grossen yzigem ernst/vñ grim-
migen zorn seiner gliedmassen/damit
er vns von deinem götlichem worte/
gedenckt abzuschrecken vnd abzuzie-
hen / gnediglich schützen vnd erhal-
ten/Also das wir in deiner götlichen
allerwarhafftigstem zusagen vñnd
wortten / bisß ann das ende vnser le-
bens / vnuerzagt wider alle pforten
der helle / inn einem warhafftigem
rechtem Christlichem glaubenn / Be-
harren vnd bleiben mügen/Amen.

Ein gepet vmb bestendig- keyt des Glaubens.

Mein lieber Herre Jesu Christe/
du trewer heyland/ dieweil du
vns die erhörung in vnserm gepet ver-
heissen vñnd zugesagt hast/ Bitte ich
dich von grund meines hertzens/me-
re vnd stercke mir meinen schwachen




64
glauben/vnd laß mich nit fallen/oder
versincken im glauben/Auch nit zag-
hafftig werden in der verfolgung dei-
nes götlichen namens vnnnd worts/
Wo es aber auß blödigkeyt des fley-
sches geschehe/ Als denn sihe mich an
wie Petrum / mit den augen deiner
Barmhertzigkeyt/vnnnd gib mir rewe
vber meine sünde/mit kreftiger Begier
zu erkennen deine gnade / damit ich
deiner nit beraubet/sunder dein miter
be vnd bruder bleibe/O aller liebster
herr Jesu Christ/ sende mir einen En-
gelischen geyst / der mich inn meinem
hertzen lere vnnnd vnterweyse/ gleych
wie Marien deiner werden keuschen
Mutter / der reynen Junckfrawen/
durch den Engel Gabriel geschach/
die dadurch im glauben gestercket/
vnd bekrefftiget wart/ Also verleihe
mir auch die gnade durch deinen vn-

sichtbarn götlichen geyst/ gleych wie
du dieselbige verlyhen hast/ deinen lie
ben jüngern/ vnd allen auferwelten/
die bey dir inn der ewigen seligkeyt
wonen/ das ich dir durch einen
rechtschaffenen Christlichen
glaubē/ also krefftiglich ein
geleybet werde/ damit ich
alle gewalt der hellischen
pfortē/ vñ alle jrdische ee
re/ freude/ pompe/ welt
liche weisheit/ schwach
heit/ hin weg werffe
vñ verachte/ Vñ dich
alleyne in mir/ nach
deinem gnedigen
willenn/ wircken
lasse/ Amen.

Bemeyne gepet / Die man
pflegt Collecten zu nennen / für aller-
ley not vnd gebrechen.
Für die diener des worts Christi.

Almechtiger güttiger Gott /
vnd vater vnsers herrn Jesu
Christi / der du vns ernstlich Befolgen
hast / das wir dich bitten sollen / für
die arbeyter inn die ernde / das ist für
trewe Prediger deines worts / Wir
bitten deine grundtlose Barmhertz-
igkeyt / du wöllest vns rechtgeschafne
lerer vnnnd diener / deines Götlichen
worts zu schicken / vnnnd denselbigen /
dein heylsames wort in den mund ge-
ben / vnd in das hertze / das sie deinen
Befelch getreulich aufrichten / vnd mit
predigen wider leren / das deinem hei-
ligen worte entgegen sey / Auff das
wir durch dein heylsames wort ver-







manet/geleret/gespeysset vnnnd getrö-
stet werden/ Mügenn thun was dir
gefellet / vnnnd vns fruchtbarlich ist/
Gib Herr deiner gemeynen / deinen
geyst / vnnnd götliche weyßheyt/ Das
dein wort vnter vnns lauffe / wachse
vñ fruchtbar sey/ das also die diener/
dein wort mit aller freydigkeyt / wie
sichs gebürt reden/ vnd deine heylige
Christliche gemeine gebessert werde/
vñ mit beständigem glauben dir die-
ne / vnnnd in der erkentnuß deines na-
mens bestendig bleybe/ durch Jesum
Christum vnsern Herrn/Amen.

Für die Oberkeyt.

Barmhertziger himlischer vater/
In welches hende/ aller mensch-
en gewalt vnd oberkeyt stehet / vnnnd
dir eingesetzt zur straffe der vbelthe-




ter/vnd zum schutz der frummen/ Inn
welchs hende auch stehen alle recht
vnd geseze / aller lender/Wir bitten
dich / sey gnedig vnserm Herrn dem
Keyser/allen Künigen vnd Fürsten/
sunderlich vnserm Landsfürsten vñ
Herrn A. vnd dem Radt vñnd Re-
genten diser Stat/vñnd aller orden-
licher Oberkeyt / damit sie das welt-
liche schwert / das du inen befolhenn
hast / recht füren mügen/Vmb scha-
tige sie mit krafft des allerhöchsten/
erleuchte vñnd erhalt sie bey deinem
götlichen namen/Las sie dein heylsa-
mes wort von hertzen lieb haben/vñ
darüber feste halten/vñnd sie ja nicht
lassen dasselbige verfolgen/ Gib inen
lieber Herr weyßheit/vnd einen rech-
ten verstandt/vñnd ein fridsam regi-
ment/ Auff das sie alle ire vntertha-
nen/in der warheytt vñ gerechtigkeit



die dir gefellig ist / regiren vnd beschir-
mē / auch mein lieber Gott / friste inen
jr leben lange / nach deinem willen /
Vnd weyl das gericht dein ist / vnd
sie an deiner stette sitzen / gib inen gna-
de also zu regiren / das dein heyliger
name durch sie geheyliget vnd geprey-
set werde / vō nun an bis in ewigkeyt /
das helffe inen der Herr Jesu Chrust
dein geliebter Sun / Amen.

Für den gemeinen frid.

Almächtiger Gott vnd ewiger
vater / ein künig der eeren / vnd
ein Herr hymels vnd der erden /
durch welches geyst / alle ding regi-
ret / durch welches verfehung alle
ding geordent werden / Du bist ein
Gott des frides / von dem alleine alle
eynigkeyt zu vns kumbt / Wir bitten




dich durch vnsern herrn Jesum Chri-
stum / du wöllest vnns vnser sünde
vergeben / vnd mit deinem götlichen
fride vnd einigkeyt begnaden / Damit
wir in fürchte vnd zittern / deinem na-
men dienen / vnd allzeyt von vns ge-
preyset werdest / Amen.

Für alle vnser sünde.

Barmhertziger Got vnnnd hym-
lischer vater / des barmhertzig-
keyt kein ende hat / der du langmütig /
gnedig / vnd von grosser gnaden vnd
trewe bist / vnnnd vergibst alle misse-
that / vbertrettung vnnnd sünde / Wir
haben leyder gesündigtet mit vnsern
veteren / wir haben mißgehandelt / vñ
sind gotlos gewesen / vnnnd dich oft-
mals erzürnet / dir allein haben wir
gesündigtet / vnd vbel für dir gethan /
aber Herr gedencke nicht ann vnser





vouge missethat / laß bald deine barm-
herzigkeyt vber vns groß sein / denn
wir sind elende worden / hilff vns got
vnser heyls / vmb der eere willen dei-
nes namens / erlöse vns vnnnd vergib
vns vnser sünde / Durch deinen sun-
vnsern herrn Jesum Christū / Amen.

Für die fruchte auff dem felde.

Herr Gott almechtiger vater /
der du durch dein ewiges göt-
liches wort alle ding geschaffen hast /
segenest vnd erhelst / Wir bitten dich /
das du dein wort / vnsern herrn Jesū
Christum / vnns wöllest offenbaren /
vnnnd in vnser hertzen pflanzen / da-
durch ann vnns gesegnet werde / mit
fruchtbarem wachsen / vnd götliches
gebrauch / vnser ecker / wysen / vnnnd

alles was zur leyblichenn notturfft
dienet/ Durch deinen Sun/vnnsern
Herrn Jesum Christum/ Amen.

Für vnser feynde.

Almechtiger ewiger Gott / der
du vns befolhen hast / durch dei
nen lieben sun vnnsern Herren Jesum
Christum / das wir vnser feinde lieb
haben sollen / Vnd denen guts thun /
die vns schaden / vnd für vnser ver
folger bitten / Wir schreyen ernstlich
zu dir / das du alle vnser feinde gne
diglich wöllest heym suchenn / ware
rewe vber ire sünde verleyhen / Vnd
inen mit vns / sambt der ganzen chri
stenheyt / ein gotfürchtig freündtlich
vnd rugsam gemütte vnd hertz ge
ben / Durch deinen lieben sun vnnsern
Herrn Jesum Christum / Amen.

J iiii



Für die yrrenden im
glauben.

Barmhertziger gnediger Gott/
vnd vater/wir bitten dich ernst
lich vnd mit ganzem hertzen/du wöl
lest alle die ihenigen /so vom Christ
lichem glauben abgefallen/oder sunst
in etlichen strücken des glaubens irren
vnd mit falscher schedlicher leere Be
hafftet vnd vergifft sind/ Veterlich
heymsuchen vnd wider bringen zum
erkentnus ires yrthums/das sie einen
lust vnd wolgefallen kriegen/inn dei
ner bestendigen einfeltigen vnd ewi
gen warheyt/durch vnsern herrn Je
sum Christum/Amen.

Wider die Anfecht
tung.



69
Almächtiger ewiger Gott/ Ein
trost der trawrigen / eine stercke
der schwachen / laß für dein angesich-
te künien / die gebet aller der / die in Be-
trübnuß vnd anfechtungen zu dir er-
seüßzen vnd schreyen / das sie merck-
en vnd befinden deine hilffe vnd Bey-
stand / in der zeyt ihrer not vñ Betrüb-
nuß / Durch Jesum Christum vn-
sern Herrn / Amen.

Ein gemeyn gepet für alle
menschen.


Almächtiger ewiger Got / der du
wilt das alle menschen genesen /
vñ zum erkentnuß / deiner Götlichen
warheit künien / wir bitten deine göt-
liche maiestet / durch Jesum Christū
deinen eynigen sun vnsern Herrn vnd
heylandt / du wöllest deine götliche

I v


gnade / geyst vnnnd hülffe mitteylen
aller ordenlicher Oberkeyt / das sie
wol vnd freisam regiere / allen Chri=
stlichen dienern deines heyligen göt=
lichen worts / das sie lauter vnd reyn
das wort predigen / vnnnd fruchtbar=
lich leren / Vnnnd wöllest durch deine
Allmechtige gewalt / widerstandt
thun / allen denen die dein heyliges
wort hassen / vnnnd mitt falscher leere
vñ vnordenlicher gewalt verfolgen /
sie erleuchten / vnd zum erkentnuß dei=
ner warheyt führen / au ff das wir alle
in einem stillen rüigem / vnstrefflich=
em leben / dem reichthum deiner göt=
lichen gnaden / durch einen reynem
glauben leren / vnd dich eynigen wa=
ren Got vnd herrn vber alle Herrn /
mit volkummenem hertzen / in aller hey=
ligkeyt vnnnd reynigkeyt / so dir gesel=
lig ist / mügen dienen / Durch vnsern

70
Herren Jesum Christum/Amen.

Ein gepet für die Pestilenz
D Marthinus Luther.

 Herr Gott du weyffest / was
wir für eine arme schwache crea-
atur sind / Laß vns doch nicht entgela-
ten / vnsers schwachens glaubens / vñ
grosser vndanckbarkeyt für dein hey-
ligs wort / Mach du vns doch frum /
vnd stercke vnsern glauben / vñnd er-
barm dich doch vnsere / vñnd st. affe
vnserer Bosheyt mit Barmherzigkeit /
vñnd nym von vns gnediglich / die
wol verdiente straffe der Pestilenz /
Auff das dein armes heufflein / nicht
so jemmerlich müge zustrewet wer-
den / vñnd das sich deine feinde nit mü-
gen frewen vber vnnsers glaubens
schwacheit / vñ dadurch dein wort






vnd straffung verachten / Das gib
vns du aller barmhertzigister vater /
durch Jesum Christum deinen lie-
ben Sun vnsern Herrn / mitler vnd
vorsprecher / Amen.

Ein ander gepet für eine
eyntzle person / so angefochten wird /
von wegen Götliches worts.

GHerre Got / Schöpffer hymels
vnd der erden / Alle ding sind
vnter dein gebiete / vnd ist nichts das
da möchte widerstehen deiner ma-
iestet / Darumb byge ich die knie mei-
nes hertzens / für deiner götlichen ho-
hen maiestet / vnd bitte dich durch
deinen eingebornen sun Jesum Chri-
stum / durch die vergiffung seines teu-
ren bluts / das du woltest mit barm-
hertzigigen augen ansehen / den diener
deines heyligen worts. **V.** der vom
Sathan / dem feynde deines heylig

71
gen worts / schwerlich wirdt ange-
fochten / geschlagen / vnd hart gepey-
niget / dann der böse feyndt / gedencft
nicht alleyne in außzutylgen / sunder
auch dein heyligs wortt selbst zur
schwacheyt setzenn / O Herre Gott /
steure vnd were seiner Bosheyt vnnnd
hoffart / Auff das sich nicht mügenn
frewen die feynde deines worts vnnnd
sagen / Wo ist ihr Got? O Herr zur-
strew vnd zustöre alle / die sich erhe-
ben wider dein wort / mache sie alle
zu schandenn / O Herr vnser Gott /
bey dir ist alle vnser hülffe vnd trost /
ach erhöre eylend vnser gepet / kere vn-
ser Betrübnus in eine freude / Laß dei-
ne handt sein vber disen. **V** / der doch
ist ein trewer diener deines worts /
Leytte in / vñ erhalt in / in deiner war-
heyt / stercke in inn deiner erkentnus /
vnd stehe im bey gewaltiglich / in al-




ler seiner anfechtung vñ Franckheyt/
leybes vnd der seelen/ vnd Behütte in
Barmherziglich für dem geyste der
hoffart / vnd volbringe gnediglich
das werck / das du inn im hast ange-
fangen / zu deinem Götlichen lobe vñ
eere / das verleyhe vns du aller Barm-
herzigster vater / durch Jesum Chri-
stum deinen allerliebsten sun vnsern
Herrn / erlöser vnd mitler / Amen.


Ein seggen Psalm. lxxij.

Got sey vns gnedig vñnd Barm-
herzig / vñ gebe vns allen seinen
Götlichen seggen / er lasse vns sein ant-
litz erleuchten / das wir auff erden er-
kennē seine wege / Es segene vns Got
vnser Got / Es segene vns Got / Vnd
gebe vns seinen frid / Amen.


gedruckt zu Nürnberg
durch Jobst Gutknecht.



Fragment of text from the adjacent page, including a decorated initial 'C' and some illegible words.









20

1



75





76

